



सानसेयारि 'बड'सा' खरौरांलाइयाव  
स्मानज्यारि जिज्जो लोब्बा थानाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि स्थायाव लिन्नाय लिन्नाय दिशाय ठर/  
सानसेयारि 'बड'सा' खरौरांलाइया खेबखानै  
फोसावगोन।  
बड'सायाव लिन्नायानि हुबा खालाम,  
'बड'सा' खरौरांलाइया आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Tuesday ★ 2 April, 2024 Kokrajhar, BTC, Assam ★ Vol.- 34 , Issue No. 9 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

राइज्योयाव खुंजानो  
गोनां लकसभा  
बिसायख 'थिखौ  
लोब्बा लानानै  
बन्द' फोसावदों

## जौगाखानायनि सार्थआव माजुलीनि थागिबिफोरा नरेन्द्र मदिखौ गोहो गोरा खालामगोन: गिबि मन्थि

गिबि मन्थिआ लुफुंबाय थानाय दालांनि खौरां लादों

गुवाहाटी, 1 एप्रिल: बावैसो सान  
सिगां माखासे खोलोबयाव खुंजानो  
गोनां फे गौ लकसभा  
बिसायख 'थिनि अक्ट फारिलाइखौ  
फोसावनाय जाबाय। बे लकसभा  
बिसायख 'थिखौ लानानै आसामनि  
माखासे लकसभा बियाबनि सिडव  
थानाय जिल्ला-थावनिफोरखौ  
जायगायारि बन्द' महेर खुंथाया  
फोसावना होबाय। मख'नो  
गोनांदि, लकसभा  
बिसायख 'थियाव भट खुंजानो गोनां  
बियाबफोरखौ बन्द' फोसावना  
होदों। लोगोसेनो आदाला-  
(□ 5 बिलाइआव)

गुवाहाटी, 1 एप्रिल: गिबि मन्थि  
ः हिमन्त विश्व शर्माआ खुंथाइ  
दोलोनि बिजाथिनि जानानै  
बिसायख 'थियायि फोसावदिनाय  
हाबाफारिखौ माजुलीनिफ्राय  
जागायजेन्नायखौ नुनो मोन्दों।  
मोनाबिलि समाव गरमुर  
बरबायिवाय थानाय हेलिपेटआव  
ऑखारनायनि उनावनो गिबि  
मन्थि आ आफां माजुलीनि  
माजुली-लक्ष्मपुर फोनांजाब  
लुफुंजाबाय थानाय सेलेक धुनागुरि  
दालां लुफुंजाय थानाय जायगायाव



नुजाथि हैयो। गिबि मन्थिआ  
लुफुंजाय थानाय दालांनि  
खामानिखौ खौरां लानानै दालां  
लुफुंजा फसंथान एसपि सिलानि  
बिथांखि सामलायगिरि प्रसान्त  
सिंजों लोगोसे फसंथाननि

बिबानगिरि इन्जिनियरफोरनिफ्राय  
दालांनि खामानि फारफोमबो  
बिथिखौनो खौरां लायो। बेनि  
उनावनो खौरांगिरिफोरनि सिगाडव  
गिबि मन्थिआ बे दालांखौ बे  
बोसोरनि डिसेम्बर दानआवनो  
आबुं जागोन होन्ना मिबथि होयो।  
दालांजों फोनांजाब लामाफोरखौ  
2025 माइथायनि मार्च दानआव  
आबुं खालामजानायनि बाथाखौ  
मिबथि होयो। सेलेक धुनागुरिनि  
गासै 750 मिटर लावथाइनि  
(□ 5 बिलाइआव)

गसाइगावयाव एनडिएनि बिजाथिआ बिसायख 'थि फोसावदिनायाव मुखुब  
एनडिए सरकारआ आजवनाय सुबुं अन्सायलु बिथांखिफोरनि  
गेजेरजों राइज्योआ मुलाम्फा जादों: जयन्त बसुमतारि

साइगाव, 1 एप्रिल: फे गौ  
लकसभा बिलायख 'थिनि साना  
खाथिनिफ्राय खाथिसिन सौफेनाय  
लोगो-लोगोनो गुबुन गुबुन  
राजखाथि थि दोलो-आफाद  
फसंथानफोरनि बिसायख 'थियायि  
फोसावदिनाय हाबाफारिया  
सोलिबाय थानायखौ नुनो मोन्दों।  
दिने बेबायदिनो 1 नं. कक्राझार  
लकसभा बियाबनि बिजाथि  
जयन्त बसुमतारिआ मोनसे  
बिसायख 'थियायि मथर साइकेल  
हान्जा सुरनाय हाबाफारियाव  
बाहागो लानानै गोबां  
बिसायख 'थियायि फोसावदिनाय



हाबाफारियावबो बाहागो लादों।  
फुंनि समनि गसाइगाव महकुमा  
सदर सहरनि गान्धी नोगोरनिफ्राय  
ऑखारनाय गेदेर हान्जा सुरनाय  
हाबाफारिखौ एमएलए जिरन  
बसुमतारिआ बेखेवना होयो।  
इउपिपिएल, बिजेपि आरु अगपनि  
गोबां मावफारिया-  
हेफाजावगिरिफोरनो मथर साइकेल  
(□ 5 बिलाइआव)

## फैगौ 17 एप्रिलआव गाहाइ मन्थि नरेन्द्र मदिआ आसामाव दावबायफैगोन

गाहाइ मन्थिआ नलबारिनिफ्राय फनिभुषन चौधुरिनि जानानै बिसायख 'थिनि फोसावदिगोन

गुवाहाटी, 1 एप्रिल: बेसागुनि  
उनावनो बारतिनि गाहाइ मन्थि नरेन्द्र  
मदिआ आसामाव दावबायफैगोन।  
बिसायख 'थिनि फोसावदिनायनि  
थांखिजों गाहाइ मन्थिआ  
नलबारिआव दावबायफैगोन। फेगौ  
17 एप्रिलआव नलबारिआव खुंनो  
गोनां बिसायखनिथिनि मेलाव  
गाहाइ मन्थि मदिआ बाहागो  
लाफेगोन। दासानिद खुंथाय



गोहोयाव थानाय बिजेपि दोलोनि  
बिसायख 'थिनि फोसावदिनाय  
हाबाफारिया गोखोडे सोलिगासिनो  
दड'। बरपेटा लक सभा बियाबनि  
बिजाथिनि थाखाय नलबारिनिफ्राय  
फोसावदिगोन गाहाइ मन्थि नरेन्द्र  
मदिआ। नलबारिनि 31 नं  
माहारियायि राजा लामानि खाथियाव  
थानाय बक्रुरानि गुवार फोथायव  
(□ 5 बिलाइआव)

10 एप्रिलयाव  
कालिफुखि  
इउनाइटेड क्लाबनि  
सनाथि माइथाय  
फोबों फालिनो  
लाहार-फाहार

बासुगाव, 1 एप्रिल: थानाय  
1975 माइथायाव गायसनजानाय  
कालिफुखि इउनाइटेड क्लाबनि  
सनाथि माइथाय फोबों फालिनो  
साखा-फार जादों। कालिफुखिआ  
जाबाय बिटिआरनि सदर कक्राझार  
जिल्लानि कक्राझार सोहोरनिफ्राय  
सा-सान्जा फारसे 15 कि:मि: सो  
जान्थायाव थानाय सालाकाटि उफ्रा  
पुलिस बादानि सिडव थानाय दरसे  
(□ 5 बिलाइआव)

## गन' सुरक्षा पार्टिआ बिटिआरनि दरफ्रोमबो बियाबनिफ्राय 60 रोजानिखुइ बांसिन भट मोनगोन : नब' कुमार शरनिया

तामुलपुर, 1 एप्रिल: तामुलपुरयाव  
कक्राझार लकसभा बियाबनि  
एमपि नब' कुमार शरनियाआ दिने  
बाहागो लाफेनानै मोनसे खौरांगिरि  
मेल खुंनानै दावि खालामदोंदि, जों  
गन' सुरक्षा पार्टिआ दरफ्रोमबो  
बिधान सभा बियाबनिफ्राय 60  
रोजायै भट मोनो हान्गोन।  
तामुलपुरनि गन' सुरक्षा पार्टिनि  
गाहाइ मावखुलियाव दर-उदालगुरि  
लकसभा बियाबनि गन' सुरक्षा  
(□ 5 बिलाइआव)



## गिख्रंथाव बारहुंखाजों गोबां न'फोरनि खहा आरु सासे गथ'सानि जोखोम जाथायसालियाव एमएलए जिरन बसुमतारिआ नायगिदिहैदों

गसाइगाव, 1 एप्रिल: राइज्योनि  
गुबुन गुबुन ओन्सोलफोरजों  
लोगोसेनो कक्राझार जिल्लानि  
गसाइगाव महकुमानि सा  
ओन्सोलावबो रबिबार  
मोनाबिलिआव बारलांनय  
बारहुंखाया गोबां खहा  
खालामलांनयनि खौरां मोनाय  
जादों। मोबिलि समाव फेनाय  
जग्रबसे गिदिंखन्नाय बारआ



गसाइगाव महकुमानि मजाति,  
लालपुर, कत्रिबारि गामिजों  
लोगोसे साखाथि-फाखाथिनि गोबां  
गामिफोरवनो गिख्रंथाव महेर खहा  
खालामलांनयनि सावगारिखौ रोखा  
नुनो मोन्दों। मजाति गामिनि 626  
नं. मदाति एलपि स्कुल आरु 118  
नं. कत्रिबारि एलपि स्कुलनि तिंखौ  
उरायखारनायजों लोगोसे  
(□ 5 बिलाइआव)

बोथोर गाज्जिनि  
थाखाय राजा  
सोरानि 5थि देअल  
फोर्बोआ थाद 'नादों

बासुगाव, 1 एप्रिल: 1806  
माइथायनिफ्रायनो राजा सोरांआव  
5थि देअल फोर्बोआ खुंफुं  
जाबोगासिनो दडा. बे राजा सोरांआ  
आथिखालनि चिरां जिल्लानि  
बासुगाव सहरजोंनो नांजाबनानै  
थानाय मोनसे जायगानि मुं। राजा  
सोरानि थि थि राजा ठकुर देअल  
मोदाइसालि लोंगोनायाव गोदो-  
(□ 5 बिलाइआव)

## शंकरदेब शिशु निकेतनआ सोलोंथाइगिरि ः मुकुन्द शर्माखौ बरायदों

भबानिपुर, 1 एप्रिल: भबानिपुर  
दखरा फरायसालिमनि आजिरा  
मोनाय गोययुं आरु गागि लिग्गिरि,  
सोलोंथाइगिरि ः मुकुन्द शर्माखौ  
दिने भबानिपुर शंकरदेब शिशु  
निकेतन बिबानगिरिआ बरायो।  
मख 'नो गोनांदि, मैया ः मुकुन्द  
शर्माआ गोरायुम बिबान एबा  
साखि जिउनिफ्राय आजिरा  
लानायनि उनाव दिने भबानिपुर  
शंकरदेब शिशु निकेतननि



बिबानगिरिआ ः शर्माखौ  
जर'खायै बरायो। बेनि लोब्बायै  
भबानिपुरनि शंकरदेब शिशु  
(□ 5 बिलाइआव)

सालबारिआव एन डि एनि बिजाथिनि हेफाजाव बिसायख 'थि मावखुलि बेखेवदों

## बि टि सिआव अबर' सोदोबआ गैया, बि टि सिआव एन डि ए दड': धनन्जय बसुमतारि

भबानिपुर, 1 एप्रिल: "हादतजों  
लोगोसे बिटिआरनि राइजो-  
राजाफोरा लक सभा  
बिसायख 'थियाव एनडिएनि  
बिजाथिनो भट होनो थाखाय थियायि  
जादों। कक्राझार लक सभा  
बियाबाव एनडिए एबा  
इउपिपिएलनि बिजाथि जयन्त  
बसुमतारिआ देहासारोन। गोबां  
भटनि फारागथियाव जयन्त



बसुमतारिआ देहासारोन।  
बिटिसिआव दानिया बर'-अबर'नि  
राजखाथि गैया। बिटिसिआव  
दानिया अबर' सोदोबआ गैया।  
प्रमद बर' दैदेन्नाय सरकारनि  
समाव खौसेथि, गोजोन आरु  
जौगाथायआ गोख्रोंसिन जादों।  
बिटिसिआव राइजो-राजाफोरनि  
जौगाथायनि खामानि मावनायनि  
(□ 5 बिलाइआव)



नोंथांनि बिजाथिखौ मिथि  
**KYC-ECI App**  
आ नोंथांखौ लामा दिन्थिनो थाखाय दं



एपनि आखुथायफोर-

- भ'ट होग्राफोरखौ गावसोरनि मुंजों  
बिजाथि नागिरनो गनायथि होयो
- बिजाथिनि दायगोनां जारिमिननि  
सोमोन्दै फोरमायथि दिन्थियो,  
जुदि दड'ब्ला
- सोलोंथायारि रोंगौथि, सम्पथि आरु  
दाहारफोरखौ फोरमायनाय बिजाथिनि  
एफिदेभिटनि सोमोन्दै फोरमायथि  
होयो

Android आरु IOS  
मोननैबो प्लेटफर्मआव मोनगोन



**KYC-ECI App**

खौ बाहाय नोंथांनि बिजाथिखौ  
मिथिनो थाखाय

दिनैनो  
डाउनलड  
खालाम!!!

गाहाय बिसायख 'थि मावखगिरि, आसामजों फोसावजानाय

@ceoassam @ceoassam @ceo\_assam 1950

सुजुगिरिनि खोलोम

ना-साम' - खांख्राइ

सिगां समफ्राव हाख 'र-हाला, गरखायनिफ्राय लानानै दैमा-दैसा, बिलो, फुखि, जाम्फे, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादिनि थाखाय गाहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख 'र-गरखाय, दैसा, जाम्फे बिलो आरो ओरैने बोहेलांगारनाय दैफ्रावबो ना-साम' -खांखायनि आंखाल नुजायामोन। खालिबोल 'गोनांथि जायोमोन हमनानै लाबोनानयनि। ना हमनो थाखायबो गोदो-गोदायनिफ्राय बाहायनानै फेनाय सेन, खखा, खाखि, जेखाइ, पल' फोरजोनों सानानै हमनानै सल, बालि, नाझाइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दंसे टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनानय नाफोरजोनों ना ओंखनि आइटेमखौ फोलोमनांगौ जानानै फेयो। सुबु देहानि थाखाय नानि गोनांथियाबो एसेल' नडा। नाथाय मोन्नांगौयासो गोब्राव जानानै फेबाय। नानि आंखाल फोलोमनो राइज्योयाव बोसोरो बोसोर गुबुन गुबुन राइज्योनिफ्राय लाबोनानै नानि आंखालखौ फोलोम फेनाय जायो होन्नानै मिबथि मोनो।

ना-साम'-खांखाय गोमालांनयनि जाहोन एबा जोबनानै थोव्ले-माव्ले जानायनि गुदिखौ गोबाडनो बाइदिसिना जाहोन आरो बिजाउन होन्नानै फोरमायबोदों। बेफोरनो जाहैबाय दैसा-जाम्फे, बिलो, हाख 'र-हालाफ्रा लासेयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालांनयजों लोगेसे बेफोरनि बांसिनो दड्बलाबो दै गेयै थायै जानानै फेनाय। दै गेयाव्ला ना-साम'-खांखायफ्रा बवेनिफ्राय थाफेनो आरो बोरै फोलेर एरनो। फासैथि मिथिंगा बिखायाव सिगांनि बादि अखादैजों आबुं जानानै थालिया। दैज्लां बोथोराव अखा हानानै थानाय दैयाबो दैज्लां बारनाय लोगे-लोगोनो राननानै गोरान जालाडो।

गुबुन मोनसे जाहोनखौ दैज्लां हाबनाय लोगे लोगे अखा हादैनि जावरिनायजों जेराव बिलो, दैसा-जाम्फेफोर दं बेफोर दैसा बिलोफ्राव फुवान होनाय ना आरो बिदै गोनां नाफोरखौ गोबों जेजों बोखानाय आरो मुलि-बिषो होनानै हमनायाव नानि जोले एरनायाव हेंथा फेनायखायनो ना-साम' खांखायनि बिबाड सानफा-एफावैनो बाडाय जाबोनानै आंखालनि महर लाफेदों।

मिथिंगा बिखाया बिफा-लाइफा, हाग्रा-बंग्राजों थोजिम सोमखे महरै थायोव्लासो अखा-बांखा हानाय आरो बेसोमुथि बिखाया थोजिमै-थानो हागोन। अब्लासो दैसा, बिलो हाख 'र, हाला, जाम्फेफ्रावबो दै बोहेगोन-ना साम', खांखाय आरिफ्राबो दैयाव थानानैनो फोलेर एरहोनानयनि खाबु मोनगोन अब्लासो फारफ्रोम बिथिनि थाथाया सरासन्नायाव फेफिनगोन। ना-साम'-खांखायनि आंखालखौबो एफा-एनैयै फोलोमनायनि लामा मोनफिनानयनि राहा थाहैगोन।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बुश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेघ:** जेखि मावा फालांगिआव मुलाम्फा मोन्नो हागोन। फारफ्रोमथिबो मोजां।

**वृष:** रेंगथिनि गियानआ बांलांगोन। फारफ्रोमथिनिफ्रायबो जौगानाय फेगोन।

**मिथुन:** मोजां रेंग'थिनि थाखाय मान मोन्नो हागोन। गोजोन मोनगोन। मोजां सान।

**कर्कट:** सोरजोंबाफोर बायदिसिना होन्नानै निन्दा होजानो हागौ। गोसोखौ हमथानानै थानाया गाहाम।

**सिंह:** दिनैनि दिनआव सांग्रां जानानै थानांगोन। माबाफोर जेनायाव गोग्लैनो हागौ। सांग्राडै था।

**कन्या:** माबाफोर मुवा-बेसाद ख'हा जानो हागौ। गोसोखौ शान्ति मोनै मोनगोन।

**तुला:** सोरजोंबाफोर लोगे हमनांगो दड'बा हमहैनो हागोन। सान्नायफ्रा जाफुनो हागौ।

**बुश्चक:** रंखावरिनि थाखाय जिंगा सिनांनो हागौ। गोसोखौ लोरबां लानो नाड।

**धनु:** जेखि मावा गुबुननि सायाव सोनारनानै लानो नाड। गाव-गाबा गाव मावनानै लानाया गाहाम।

**मकर:** गावनि रेंग'थि जानो हानायनि मानजों लोगेसे बान्थाबो मोन्नो हागौ। गोसोखौ गोजोन मोनगोन।

**कुम्भ:** सोरजोंबा नासय जानो हागौ। गोसोखौ लोरबां दाखालाम। धैज्य हमनाया मोजां।

**मीन:** बायदिसिना सानानै बाध्रा खोथा रायज्जालयनो गोसो गैयै जानो हागौ। धैज्य हमनाया गाहाम।

केजरीवालखौ तिहाडआव दैथायहरबाय नाथाय 14 सानसिम बैयांव थानाया गोनांथार नडा

गोदान दिल्ली, 1 एप्रिल: दिल्लीनि जौ-खेलेंखारिनि केसआव दिल्लीनि गिबि मन्थ्र अरबिन्द केजरीवालनि जेनाया बांगासिनो दड। बिथांखौ समबाराव मोनसे बिजिरसालियाव थिसन्नाय जादोंमोन, जेराव बिथांखौ 15 एप्रिलसिम न्यायारि (बिजिरगिरि) कास्टडीआव दैथाय हरदों। बेनि उनाव केजरीवालखौ तिहाड जेलाव लांनाय जाबाय। बबेखानि केजरीवालआ गोनांथार महरै 14 सानसिम तिहाड जोबथेसालियाव थायाखै। दायो सिबिआइआ प्रिभेसन अफ करपसन एक्साइज एफआइआर केसआव अरबिन्द केजरीवालखौ हमथानो थाखाय जायखि जाया समावनो बिजिरसालियाव आरज गाबनो हागोन। इडीनि उनाव सिबिआइआ आथिखालाव केजरीवालखौ जिम्मायाव सोंनो लुबैगोन। आबकारी



खेलेंखारिआव सिबिआइआ मनिष सिसदियाजों लोगेसे जौनि फालांगियारिफोरनि बेरेखायै जाख्ल'नाय होबथानाय आरो आइपिसि फावफान्दानयनयनि धारा 120 बनि सिडव एफआइआर रेजिस्टार खालामदोंमोन। बे जाथायाव सिबिआइआ केजरीवालखौबो थानाय बोसोराव खेबसे सोंदोंमोन। सोंनाय

फिनानयनि उनाव, इडीआ पिपमएलए केसआव राहा लानो जागायदोंमोन। आथिखालाव सिबिआइआबो अरबिन्द केजरीवालखौ हमथानाय लानो थाखाय थाबैनो बिजिरसालियाव आरज'लाइ होनो हागोन। बबेखानि, सिबिआइआ माब्ला बिजिरसालियाव थांगोन बेखौ

गेंस्तर मुक्त्तार आनसारीआ निखावरिफोरनि अनसाइगिरि: मौलाना मडानी



गोदान दिल्ली, 1 एप्रिल : जामियत उलेमा-ए-हिन्दनि आफादगिरि मौलाना महमुद मडानीआ गेंस्तर मुक्त्तार आनसारीनि थैनायाव दुखु फोरमायनानै बुंदोंदि, बनि थैनायनि जाहोनफोरनि बागै सुबुंफोरनि सन्देह'आरो हमदानाय, नख'रनि गोजोन्नाय गैयैजों न्याय आरो इडि एजेन्सिफोरनि सायाव फोथानाया गोब्राव जादों। बिथाड बुंदोंदि, न्यायानो थोजासे नडा, न्यायनि सायाव फोथानाय आरो हेफाजाब होनायबो थानांगो। बावैसो सिगां इडपिनि जोबथेसालियाव आरो पुलिसनि जिम्मायाव माखासे राजखास्थियारि आरो समाजारि दैदेनगिरिफोरखौ बुथारनाय एबा रहस्य गोनां थैनायफोरा सुबुंफोरनि सन्देह'खौ बांहोदों। मौलानाया बुंदोंदि, मुक्त्तार आनसारीया जेब्लायबो निखावरि आरो अनागारिजों भुगिनांनय सुबुंफोरखौ हेफाजाब होनाय, मदतगिरि महरै सिनायथि जासिगोन। मिडियाआ माफिया डननि सावगारिखौ सोराडव लाबोनानै बनि राइज्योआरि अन्साइजानाय आरो सिबिलांनयखौ मोस्लेर खालामनो हाया। बिथाड हादतनि आइन बायदियै जोबथेसालियावबो गावनि जिउनि मोनसे गोलाव समखौ बारहोदों। आइननि बायदियै दायनि साजा होनायखौ रावबो गनायजाथाव मोनाखै। नाथाय आइननि हेंथायै कैदिजों अनागार आखु दिन्थिनाय आरो जिउ फोजोबनयनिबो गनायथि होनाय जाया आरो बे आयदायाव सरकारा न्यायनि दाबिखौ फुरा खालामनांगोन। सन्देह' गोनां थासारियाव आनसारीनि जिउ गोमानाया गोबां सोंथि सिखांहोदों, जायनि जाहोनाव बनि अनसाइगिरिफोर आरो हेफाजाबगिरिफोरनि गेजेराव दुखु मोन्नाया रोखा। मौलाना मडानीया बुंवावोदि, आनसारीनि नख'र हादत सिबिग्रा आरो गावनि मुलाम्फा हास्थायै हादतखौ सिबिनयनि थाखाय सिनायथिजायो। बनि नख'र एबा जोलैनि उदांसि सांथि डक्टर मुक्त्तार आहमेड आनसारी आरो मुख्तं ब्रिगेडियार महम्मद उस्मान आरो भारतनि बारा' लेडइ हादतगिरि ७ हामिद आनसारी बायदि सुबुंफोरजों मिबथिसारजानाय।

बर्डिनि उनाव दावबायारिफोरनि थाखाय मोजां गाइडलाइन

गोदान दिल्ली, 1 एप्रिल: जुदि नोंथाड फलाइज जों दावबायो अब्ला नोंथानि थाखाय मोनसे गोनांथार आरो गोजोनथाव खौरां फेदों। बिरखं रेखाथि नायदिग्रा बिसिएएसआ मोनसे गोदान गाइडलाइन फोसावनानै बुंदोंदि, बर्डिनि उनाव बिरखंनि मावफुंनयाव गोबाव जायोव्ला दावबायारिफोरखौ बिरखं गाथोननि ओंखारनाय दरखंजों बिरखंनिफ्राय ओंखारनो गनायथि होनांगो। ब्युर' अफ सिभिल एभिएसन सिक्किरिटी (बिसिएएस)नि गोदानसिन बिथोनआ बंद्राय होंगो-दोंगो आरो बिरखंनि गोबाव जानाया बालांनय जाथायफोरनि गेजेराव फेयो जायनि फिथाइ महरै दावबायारिफोरा गोबाव घन्टासिम गाखोनयनि उनाव थावथानानै थायो। बिसिएएसनि डाइरेक्टर जेनेरेल जुल्फिकार हसनआ समबाराव बुंदोंदि, 30 मार्चआव एयारलाइन्स आरो बिरखं गाथोन सालायगिरिफोरनो नेम-खान्थिफोर फोसावनाय जादोंमोन आरो दायो बेयो सोलिगासिनो दड। बिथाड बुंदोंदि, बे नेम-खान्थिफोरा दावबायारिफोरनि थाखाय बाइड नारसिन्नायखौ रोखा खालामनायाव मदद होगोन आरो बिसोरो बर्डिनि उनाव गोबाव घन्टासिम बिरखंनि सिडव जिरायनांनय नडा। बिरखंआव गोबाव सम गोबाव जानाय आरो बर्डिनि उनाव नैथि हरखाव जाब्रबथायनि थासारियाव



दावबायारिफोरखो सोमोन्दो गोनां बिरखं गाथोननि ओंखारनाय दरखंनिफ्राय ओंखारनो गनायथि होनाय जागोन। हासनआ बुंदोंदि, बिरखं गाथोन सालायगिरिफोरा बिथोनफोरखौ मावफुंनो थाखाय स्क्रिनिजों लोगेसे बिथायारि सानज'थाय गायसननांगोन। बिथाड बुंदोंमोनदि, दावबायारिफोरनिफ्राय ओंखारनायनि थिरंथाया सोमोन्दो गोनां एयारलाइन्स आरो रेखाथि एजेन्सिफोरजों लाजागोन। बिथाड बिसिएएसनि 38थि गायसन्नाय सानजों लोब्बा लाखिनानै खुंजानाय मोनसे हाबाफारियाव बिबुंथि होदोंमोन। 17 जानुवारियाव ब्युर' अफ सिभिल एभिएसन सिक्किरिटीआ इन्डिग' आरो मुन्बाइ बिरखं गाथोन अपारेटर एमआइएएलखौ 1.80 कौटि रानि जुरिमाना फोनादोंमोन। बिरखं गाथोनाव बिरखंनि खाथियाव दावबायारिफोरजों

**AFFIDAVIT**

I, SRI JANARAM BARGOARY, aged about 70 years S/O- Late Nandalal Bargoyary, by nationality-Indian, a resident of Village No. 3 Jainary, under P.O.- Simbargaon, P.S.- Kokrajhar, in the Dist- Kokrajhar, B.T.R., Assam, 783370, do hereby solemnly affirm and declare as under:-

- That, I am a Citizen of India by birth and the permanent resident of above noted address.
- That, my actual/correct name and surname is **JANARAM BARGOARY**, which is recorded in my all relevant documents including Aadhar Card Vide No. **523849483980**.
- That, in the land document covered by Dog No. **311**, patta No. **71**, situated at Village- Kakarmari, wherein my name and surname has been recorded as **JINORAM BASUMATARY** instead of **JANARAM BARGOARY**.
- That, I do hereby declare that **JANARAM BORGAYARY** and **JINORAM BASUMATARY** is the same and one identical person i.e. myself.
- That, this declaration is made by me to ascertain the facts as stated above for avoiding the confusion/correction/rectification regarding my name and surname as a piece of evidence to submit if before the concerning authority and for doing needful purposes.

All the statements are true to the best of my knowledge, belief and information.

**Janaram Bargoyary**

बोथोर बिफानआ बारहुंखा आरो अखा फेगोन होन्नानै एलार्ट फोसावदों

गोदान दिल्ली, 1 एप्रिल: हादरआव बोथोरनि गरमआ आगाण होनानै गोहोम दिन्थिनोबो जागायबाय। हादरनि बांसिन राइज्योफोरावनो साननि समाव गरमआ बांसिन एबा बिदुख बांसिन जाबोनो हमबाय। बे समावनो भारतयारि बोथोर बिगियान बिफानआ सा-सान्जा भारतआव अखा खोरोमनायजों लोगेसे रोजा अखा हानो हागौ होन्नानै हमदादों। फेनो गोनां माखासे सानआव दिल्ली-एनसिआरआव गरमआ बांसिन जागोन। हिमाचल प्रदेशआवबो



फिन खेबसेबाव बोथोरआ सोलायदों। हाजो ओन्सोलफोराव बरफ गोलैनायनि उनाव गुसुआ बांसिन जादों। बेखौ नोजोर होनानै बोथोर बिफानआ इयेल' एलार्ट फोसावदों। बोथोर बिफानआ चाम्बा, काड, मन्डि आरो कुल्लुआव बारहुंखाजों लोगेसे सारअन्थाय गावगोन

होन्नानै एलार्ट फोसावदों। बेराफार्से जम्मु-काश्मीर, लाडाख, गिलगित-बाल्टिस्तन, मुजफ्फराबाद आरो हिमाचल प्रदेश, उत्तराखन्डआव बारहुंखा बारगोन होन्नानै सांग्रांथि होदों। बोथोर बिफानआ अरुनाचल प्रदेश, आसाम, मेघालय, नागालेण्ड, मनिपुर आरो मिजयमआव सारअन्थाय गावगो हागौ। लोगेसेनो माखासे जायगाफोराव अखा हानो हागौ। आइएमडिआ सा-सोनाब भारतआव बारहुंखा फेगोनखौ हमदानानै फोरमायदों।

## बिसायख 'थिनि सिगां नैथि जुलि ला होन्ना गिबि मन्थि शर्माआ एमपि बदरुद्दिन आजमलखौ थांखिदों

गुवाहाटी, 1 एप्रिल : आसामनि गिबि मन्थि हिमन्त बिश्व शर्माया धुबुरीनिप्रय देहासार जानाय एमपि बदरुद्दिन आजमलनि सायाव गोखों रावजों गालोबदों। आजमलआ धोरोमनि बाश्रा लानानै बुंदोंमोनिदि, गावखौ नैथि जुलि लानायनिप्रय रावबो होबथानो हाया। बे बाश्रानि सायावनो गिबि मन्थिया बिथांखौ बिसायख 'थिनि सिगां नैथि जुलि लानांगौ, मानोना बेनि उनाव इउसिसिआ गोहोम गोनां जागोन आरो बिथाड जेराव थांनानो हागौ होन्ना नै बुंदों। रबिबारखालि आसामनि गिबि मन्थिया बुंदोंदि, धुबुरीनिप्रय एमपि देहासारनाय एआइइडिफनि दैदेनगिरि आजमलआ नैथि जुलि खालामनो हास्थायदोंब्ला बिथाडा बिसायख 'थिनि सिगां खालामनानो। मानोना बेनि उनाव इउसिसिया गोहोम गोनां जागोन आरो बेनि गेजेरजों बिथाडा जोबथेसालियाव लांजानो हागौ। मख 'जाथावदि, बावैसो सिगां आजमलआ बुंदोंमोनिदि, बिजेपिया



मुसलमानफोरखौ थुनज्जलानो नाजागासिनो आरो गाव नैथि जुलि लानो हास्थायोब्ला गावखौ रावबो होबथानो हानाय नडा। मानोना गावसोरनि धोरोमा बेबायदि खालामनो गावसोरखौ गनायथि होयो। उदालगुरि जिल्लायाव मोनसे बिसायख 'थिनि जथुमायाव बाहागो लानानै गिबि मन्थि शर्माया बुंदोंदि, बिसायख 'थिनि उनाव इउसिसिया गोहोम गोनां जासिगोन। बेनि उनाव

जायफोर बिसि गिबि थानानै नैथि जुलि लागोन बिसोरो जेलआव थांनानो हागौ। मानोना बयनिबो थाखाय सासेनि बांसिन जुलि लानायखौ आइन बेरेखा होन्ना नै फोसावनाय जागोन आरो बेनि हेंथायै गोखों नायबिजिरनाय जागोन। इउसिसिनि आइनानो जादों समाजनि गासैबो थाखो, बिसोरनि धोरोमा जेखि जाया मानो बे आइननि गेजेरजों समान आखु दिस्थिनाय जागोन, जेराव जुसि, फाथैलाइ बिसिनाय, इनाइ-अनागार, जिनाहारि,

बिरासत, खांफैनाय आरो सम्पतिनि उन मोन्थाइ बायदि आयदाफोराबो थाफागोन। थांनय दानाव आसाम मन्थि आफादा राइज्योआव उन्दै बैसोयाव जुलि लानायखौ फोजोबनो आरो इउसिसिनि हाबाफारिखौ गोहोम गोनां खालामनयानि मोनसे थांखि महै आसाम मुस्लिम जुलि आरो फाथैलाइ बिसिनाय रजिस्ट्रेशन एक्ट, 1935 खौ बोखारनायनि थांखिखौ गनायथि होदोंमोन।

## इउक्रेननो रासियाआ दायनिगिरिफोरखौ गथायनांगौ होन्ना नै सांग्रांथि होदों



गोदान दिल्ली, 1 एप्रिल : रासियाआ इउक्रे नआव गालोबनायखौ गोखोंसिन खालामदों। रबिबारखालि रासियानि गुबुन हादतयारि मावख 'या गावसोरनि रैखाथि सिबिथाइ होग्रानि गाहाइजों लोगोसे गुबुनफोरखौ गावसोरनो गथायना हरोनो थाखाय इउक्रेनखौ सांग्रांथि होदों। इउक्रे ननि हादतगिरिया बेबायदि खालामब्ला रासियाआ गिदिर आरो गोखोंसिन नायबिजिरगोन होन्ना रासियाआ बुडे। रासिया गुबुन हादतयारि

मावख 'नि बायदिब्ला, इउक्रेनआ रासियाआव उतखारि हाबाफारि एवा गालोबनायजों लोब्बा थानाय गासैबो सुबुंफोरखौ गथायनांगौ होन्ना रासियाआ दाबि दैखांयदों। बिसोरनि गेजेराव इउक्रेननि एसबिइउ रैखाथि सिबिथाइनि गाहाइयाबो दंफायो। रासियाआव माखासे हिंसायारि जाथायफोरखौ फारिलाइ खालामनयानि उनाव गुबुन हादतयारि मावख 'या मोनसे फिन्नायाव बुंदोंदि, रासियाआव

इउक्रे ननि बिबानगिरिफोरखो उतखारि हाबाफारिफोरखों लोब्बा थानाय गासैबो सुबुंफोरनि इमार्जेन्सि ग्रेप्टर आरो ट्रान्सफार हरनायनि गावनि दाबि दैखांययखौ मिबथिहोदों। मावख 'या सुबुंफोरखौ गावसोरनो गथायनांगौ बिसोरनि गेजेराव एसबिइउनि गाहाइ भासिल मालियुकआबो दंफायो। रासियानि बायदिब्ला, बियो गनायथिदोंदि, 2022 नि फेब्रुवारीयाव इउक्रे नआव क्रि मलिननि गालोबनायनि

उननिप्रय क्रिमियाखौ रासियाजों सरजाबग्रा गाहाइ दालांआव गालोबनायनि आन्दोआव बनि आखाय दडमोन। बावैसो सिगांनि सप्ताहयाव रासियानि कन्सर्ट हलआव उतखारि गालोबनाय जाथायाव सा 143 सुबुंनि जिउ गोमादोंमोन आरो गोबां जोखोम जादोंमोन। उतखारिफोर हखाबै कन्सर्टनि हाबाफारियाव फेनाय सुबुंफोरनि सायाव गुलि गावलुंदोंमोन। सुबुंफोर गाव गावनि जिउरैखानि थाखाय जैरे-मैरोनो खारदोंमोन। बे गालोबनायाव इउक्रेननि आखाय दंमोन होन्ना रासियाआ दाबि दैखांयदों।

## गेस सिलेन्डरनि बेसेना 30.50 रां दावरख्लायदों



गोदान दिल्ली, 1 एप्रिल : गेस सिलेन्डरनि बेसेना दिनें दावख्लायनाय नुनो मोन्दों। बिसायख 'थिनि सिगां सिगां गेस सिलेन्डरनि बेसेनखौ दावख्लायनायनि थांखि लानाय जादों। लांन्थियै 3 दान सिगांनिप्रयनो बांबोबाय थानाय गेस सिलेन्डरनि बेसेना दिनें दावख्लायबाय। गंफ्रोम सिलेन्डरनि बेसेनखौ दिनें 1

एप्रिलाव 30.50 रां खमायना होनाय जादों। अदेबानि बे बेसेन खमायनाया कमासियेल गेस सिलेन्डरनि सायावसो, नख 'रारि गेस सिलेन्डरनि सायाव नडा। बेनि सिगां मार्च दानाव बे सिलेन्डरनि बेसेना गंसेयाव 25.50 रां बारायदोंमोन। अदेबानि नख 'राव बाहायग्रा एलपिजि सिलेन्डरनि बेसेना जेबो

सोलाय-सोल' नुनो मोनाखै। दिल्लीयाव एलपिजि सिलेन्डरनि बेसेना 30.50 रां, कलकातायाव 32 रां, मुम्बाइयाव 31.50 रां आरो चेन्नाइयाव 30.50 रां खमायदों। आइअसिएलनि बायदिब्ला, 19 किल 'ग्राम एलपिजि सिलेन्डरनि बेसेना 1764.50 रां सिम सफैदों। कलकातायाव बेनि बेसेना 1911 रांनिफ्राय 1879 राडव, मुम्बाइयाव 1749 रांनिफ्राय 1717.50 रां आरो चेन्नाइयाव 1930 रांआव सफैयो। नख 'रारि एलपिजि सिलेन्डरनि बाश्रा बुडेब्ला, बेनि बेसेना दिल्लीयाव 803 रां, कलकातायाव 829 रां, मुम्बाइयाव 802.50 रां आरो चेन्नायाव 818.50 रां जानानै दड।

गोदान दिल्ली, 1 एप्रिल : दिनेंनिफ्राय गोदान रांखाथि बोसोरआ जागायबाय। बेनि गेजेराव सना आरो रुफानि बेसेना गोबाडै बांदों। मुलुगनां हाथाइजों लोगोसे नख 'रारि हाथाइफोरावबो सनानि बेसेना गोबाडै बांदों। माल्टि क मडिटि एक्सचेन्जआव सनानि बेसेना 68,890 रांसिम सौहैबाय। आथिखालाव, माल्टि क मडिटि एक्सचेन्जआव सनानि बेसेना 1.76 जौखोन्दो बांनानै मोनफ्रोम 10 ग्रामआव 68,890 रां जाबाय। बेनि अनगायैबो

## इन्काम टेक्स बिफाना कंग्रेसखौ रेहाय होदों, लकसभा बिसायख 'थिनि समाव जेबो गोखों राहा लानाय नडा

गोदान दिल्ली, 1 एप्रिल: लकसभा बिसायख 'थिनि समाव, कंग्रेस पार्टीआ इन्काम टेक्स बिफानजों दैथायहरजानाय नटिसनि बेलायाव रेहाय मोन्दों। इन्काम टेक्स बिफाना गोजौसिन बिजिरसालिनो बुंदोंदि, बियो लकसभा बिसायख 'थिनि समाव कंग्रेस दोलोनिफ्राय 1700 कौटि रां मोनफिन्तो थाखाय जेबो गोखों राहा लानाय नडा। फोरमायथि बायदिब्ला, इन्काम टेक्स बिफाना बुडेदि, बिसोरनो बिसायख 'थिनि समाव रावबो

## सदानन्द बसन्त दातेखौ एनआइएनि गाहाइ बिबानगिरि महै थिसन्नाय जाबाय

गोदान दिल्ली, 1 एप्रिल : एनआइएनि गोदान बिबानगिरि थिसन्नाय जादों। मावख 'यारि फिन्नायाव सदानन्द बसन्त दातेखौ एनआइएनि गोदान गाहाइ बिबानगिरि महै रबिबारखालि थिसन्नाय जायो। बिथाड डिनकर गुप्तानि जायगायाव बे बिबानखौ आजावो। मानोना डिनकर गुप्ताहया रबिबारखालि आजिरा मोनबाय। एनआइएनि गाहाइ बिबानखौ आजावनायनि सिगां दातेआ महाराष्ट्रआव उतखारि होबथाग्रा हाज्जा एटिएसनि गाहाइ बिबानआव दडमोन। मख 'जाथावदि, मुम्बाइयाव जानाय 26/11 गालोबनाय समाव दातेआ रैखाथि बेब 'स्थायाव गाहाइ बिफाव लादोंमोन। बिथाड 1990 बेचनि आइपिएस बिबानगिरि आरो



महाराष्ट्र केदारनि बिबानगिरि। एनआइएनिफ्राय फोसावनाय खौरानि बायदिब्ला दातेया महाराष्ट्रआव माखासे गोबां मख 'जाथावदि, मुम्बाइयाव मावदों। मिरा-बयंधर भचाइ-बिरारनि पुलिस कमिसनार, जयेन कमिसनार (आइन आरो बेब 'स्था) आरो जयेन कमिसनार अफ क्राइम ब्रान्ज,

मुम्बाइ बायदि बिबानफोरखौबो बिथाड सामलायदों। बिथाड सिगाडावबो खेबनै मिरु सरकाराव गावनि सिबिथाइखौ होखांबाय। दातेया सिबिआइआव सिएसपिनि आरो सिआरपिएफआव एसपिनि बिबान सामलायबोखांबाय। 2008 आव जेब्ला मुम्बाइयाव गालोबग्रा उतखारिफोरजों

खिथेर लानायावबो बिथाड गाहाइ बिफाव लानायनि थाखाय प्रेसिडेन्ट पुलिस मेडेलजों मान बाउनाय जादोंमोन। 2007 आव बाखायथाव सिबिथाइ होनायनि थाखाय सदानन्दनो प्रेसिडेन्ट पुलिस आरो 2014 आव जर 'खा सिबिथाइ होनायनि थाखाय प्रेसिडेन्ट पुलिस मेडेलजों बिथांखौ मान बाउनाय जादोंमोन।

## मोब्लिबार्डि मटर-गारिफोरखौ जौगाहोनो थाखाय दिनेंनिफ्राय गोदान बिथांखि बाहायनाय जागायसिगोन

चेन्नाइ, 1 एप्रिल: सरकारआ हादराव मोब्लिबार्डि खारथायखौ अरायसम हेफाजाब होगासिनो दं। बे फारियाव 1 एप्रिल, 2024 माइथायनिफ्राय हादराव मोब्लिबार्डि मटर-गारिफोरखौ जौगाहोनो थाखाय 500 कौटि रांनि मोनसे गोदान बिथांखि बाहायनो थांगासिनो दं। बे बिथांखिया जुलाइ 2024 माइथायनि जोबनायसिम सोलिबाय थागोन। हादराव मोब्लिबार्डि मटर-गारि (ईभि) नाजावनायखौ गोखेंसिन खालामनो थाखाय गिदिर दारिमिन मन्थि बिफाना 500 कौटि रांनि मोब्लिबार्डि मबिलिटि प्रम 'शन स्किम 2024 (इएमपिएस 2024) जागायदों। इएमपिएस 2024 नि सिडव गफ्रोम साखा खबनै गारिफोराव 10,000 रांसिम हेफाजाब होनाय जागोन। बेनि थांखिया फ्राय



3.33 लाख साखा-खबनै गारिफोरनि थाखाय हेफाजाब होनाय। बे समावनो हादराव मोब्लिबार्डि गारिफोरनि रैपिड एदप्शन एन्ड मेनुफेक्सारि (फेम-II) हाबाफारिनि नैथि खोन्दोआ 31 मार्च 2024 माइथायाव जोबो। फेम बिथांखिनि सिडव अनसुंथाइया 31 मार्चसिम फानजानाय मोब्लिबार्डि मटर-गारिफोरनि थाखाय एवा रां मोनजासिम मोनो हायोमोन। फिसा साखा-खबथाम (इ-

रिक्शा आरो ई-गारि) बायनायाव 25,000 रांसिम हेफाजाब होनाय जागोन। बे बिथांखिनि सिडव बेबादि 41,000 नि बांसिन गारिफोरखौ थुलुंगा होनाय जागोन। गिदिर साखा-खबथाम गारिफोरनि बेलायाव 50,000 रांसिम राडरि हेफाजाब होनाय जागोन। इएमपिएस 2024 आ रांनि बेलायाव मोनसे सिमा गोनां समनि सानथांखि। बेयाव मोब्लिबार्डि साखा-खबनै (E-wW) आरो

साखा-खबथाम गारिफोरखौ गोखें नाजावनो थाखाय दान मोनब्रेनि थाखाय थामहिनबा 1 एप्रिल 2024 निफ्राय 31 जुलाइ 2024 सिम गासै 500 कौटि रां खरसा खालामनाय जागोन। दारिमिन मन्थि बिफाना हादराव सोमखोर खारथाय आरो मोब्लिबार्डि मथर बानायग्रा सोरबिथिं खांथिनि जौगाथायखौ आरोबाव थुलुंगा होनो थाखाय 13 मार्चखालि बेखौ फोसावदों। बे बिथांखिनि थांखिया गं 3,72,215 मोब्लिबार्डि मटर-गारिफोरखौ हेफाजाब होनाय। मन्थि बिफाना बुंदोंमोनिदि, जौगा बिरोंदामिनखौ जौगाहोनो थाखाय थुलुंगानायनि मुलाफाखौ खालि बैफोर गारिफोरनोल' होनाय जागोन, जेराव जौगानाय बेटारिफोर दं। बे बिथांखिया गोबां अनजिमानि साखिफोर दिहुनगोन होन्नाबो मिजिं थिजादों।

## सना आरो रुफानि बेसेना गोबाडै बांदों



रुफानि बेसेनाबो 1 जौखोन्दो बांनानै मोनफ्रोम किल 'ग्रामआव 75,801 रां जाबाय। मुलुगनां हाथायाव सनानि बेसेना आथिखालाव से

आउन्सआव 2,259 डलार जाबाय। आथिखालाव गेजेर एसियाआव हा सा राजखान्थियारि जे'नाया बांगासिनो दं, जायनि

जाहोनाव सनानि बेसेना बांगासिनो दं। इउरपआव रासिया आरो इउक्रे ननि गेजेराव सोलिबाय थानाय दावहानि जाहोनावबो सनानि

बेसेना बांदों। बेनि अनगायैबो इच्चाइलआव हामासनि गालोबनायनि उनाव सनानि बेसेनाव गोबां गोहोम गोखेंदों। बेफोर गासैबो जाहोनफोरनि अनगायैबो सनानि बेसेनानि बांनया सेन्ट्रल बैंक फेडरेल रिजार्भनिफ्राय फेनाय इसारानिफ्रायबो सनानि बेसेना बांनो हमदों। बावैसो सिगाडाव जानाय सावरायनायाव फेडरेल रिजार्भआ बे रांखाथि बोसोराव खेबथाम दावख्लायनायनि इसारा होदों। फारसेथिं भारतआवबो आरबिआइआ रेपुटेसआव खेबनै दावख्लायनो हागौ होन्ना इसारा होदों।



दोलोनि थाखाय जेना सोमजिहोनो लुबैया। बिफाननि बे बिबुंथिनि उनाव कंग्रेस दोलोआ रैखा मोनगोन होन्ना सान्नाय जादों। गोजौसिन बिजिरसालिया इन्काम टेक्स बिफाननि जानानै सलिसिटर जेनेरल तुषार मेहतानि बाश्रा दान्थेलायनायखौ बिफाव लादोंमोनिदि, लकसभा बिसायख 'थिनि नोजोर होनानै कंग्रेस दोलोनि बेरेखायै जेबो गोखों राहा लानाय जानाय नडा। गोजौसिन बिजिरसालिनि बेन्सआ एसजी मेहतानि बिबुंथिखौ रेबगान्थि खालामोदि, फेगौ अक्ट 'सिम 3500 कौटि रांनि दाबिखौ लानानै जेबो गोखों राहा



लानाय जानाय नडा। गाहाइ आरज 'लाइफोरखौ जुलाइआव गुननि सायाव हियारि'नि थाखाय फारिलाइ खालामनाय जागोन। इन्काम टेक्स बिफाना बिजिरसालिखौ कंग्रेसनिफ्राय खाजोनो खानायनि आयदाखौ जुनाव हियारिनि थाखाय दोनो खावलायदों। बिफाना बुडेदि, बियो बिसायख 'थिनि समाव रावबो दोलोनि थाखाय जेना सोमजिहोनो लुबैया। बिफाननि बे बिबुंथिनि उनाव कंग्रेस दोलोआ रैखा मोनगोन होन्ना सान्नाय जादों। लकसभा बिसायख 'थिनि एसे सिगां

कंग्रेसआ इन्काम टेक्स बिफाननिफ्राय फिन खेबसेबाव मोनसे गोदान नटिस मोन्दोंमोन, जेराव नायबिजिरनाय बोसोर 2014-15 निफ्राय 2016-17 माइथायनि थाखाय 1,745 कौटि रांनि खाजोनो दाबि खालामनाय जादोंमोन। दासिम इन्काम टेक्स बिफाना कंग्रेसनिफ्राय गासै 3,567 कौटि रांखाजोनो दाबि खालामदों। कंग्रेस पार्टीआ बुंदोंमोनिदि, बै समाव बिबानगिरिफोरा सिगांनि बोसोरफोरजों सोमोन्दो थानाय खाजोनो दाबिफोरनि थाखाय पार्टीनि एकाउन्टनिफ्राय 135 कौटि रां दिहुनखाबाय।

## चामस बाहायनाया माब्लानिफ्राय जागायखो आरो जॉनि नख 'रनिसिम माबोरै सफैखो? मिबथिनो गोनां बाथा

आथिखालाव गासैबो रोखेमनि मुवा जानायाव चामस बाहायनायखौ न'-न' नुनो मोनसै। थामहिनबा आथिखालाव चामस बाहायनाया बांसिन जाबोबाय। नाथाय बयनिबो नख 'रव बाहायजानाय चामसआ माबोरै बाहायजाबोखो आरो बेखौ सोर बबेयाव बानायजेन्दोमोन बेखौ रवबो बुंनो हाया। बेबायदि सोंथिखौ सशोल मिडिया प्लेटफर्म एक्सआव सासे इउजारआ सोंथि खालामदों। बियो बुंदों, भारतआव बयनिबो नख 'रव बे चामसआ मानो दड? चामसआ जॉनि सानफ्रोमबो बाहायजानाय मुवाफोरनि गेजेराव मोनसे। बेयो गोदो-गोदायनिफ्र। यनो बाहायजाबोदों होन्नाबो बुंनय जायो। चामस बाहायनायनि



बागै संदानायाव मोनसे सल' सोराडव फैं। एचसिल्लभारनि रिपर्ट बायदिब्ला, गोदो-गोदायनि मनुवा



जावखानायनिफ्राय मिबथिनो मोन्दोदि, गिबिसिन चामसखौ 1,000 खूष्ट गिबि सिगां बानायदोंमोन। बै समाव बेखौ गाहायै साजायना दोन्नाय आरो धोरोमारि बिथिडावल' बाहायनाय जायोमोन। जारिमिन संदानगिरिफोरनि बायदिब्ला, गोजाम मिश्रनि थागिबिफोरा बयनिखूडबो गिबि दंफां, जौख्लामनाय अन्थाइ आरो मैदर हाथाइजों बानायनाय चामसखौ बाहायोमोन। बेफोरो गोबां बाहायजानाय जायोमोन। बेनि डिजाइनआ जोबोद जर'खा

जायोमोन। बेखौ बानायनायनि थांथिया साजायनाय दोन्नायनि थाखायल'मोन। मानोना बिसोरो गावसिन खुरैफोरवबो धोरोमारि नुथाइ नुजाथियोमोन। बेफोरखो इलेस्ट्रेट्स आरो रोखा सावगारिनि गेजेरजों साजायोमोन। उनाव ग्रिक आरो स्मान साम्राज्यफोरनि समाव चामसआ कासा आरो रुफानि बानायजानो हमो। मख 'जाथावदि, बेसेन गोसा धातुजों बेफोरखौ बानायनाय जायोमोन। बेनिखायनो बांसिन धोनि नख 'रावल' बेखौ बाहायोमोन। इउरपआव गेजेर मुगा जागायजेनाय (476 ई-1492) आव गं, दंफां, पिटल आरो सिलभारजों चामसखौ बानायनो हमो। बेयो जोबोद गोरलैमोन आरो जोबोद समायनाबो नुनो मोनोमोन। इंगफोर जारिमिनाव चामसखौ बयनिखूडबो गिबिसिनै 1259 आव सैथि एडभार्ड समाव मख 'नाय दड'। बै समाव आलमासियाव बेखौ दोन्नायनि बाथा बुंभावजादों। 15 थि जौथाइसिम सरसन्ना दंफांनि चामसफोरनि जायगाखौ धातुजों बानायनाय चामसफोर लायो। एलिजाबेटनि समाव बेखौ गुबुन गुबुन महराव दिहुनो हमो।

## फैमाल मिजिक

सुजुदोंमोन आं मोजां मोनलायनायनि सुखुजों बाइदि गाबनि दोंसे, समायना बिबारनि माला नाथाय फैमाल... आखायावसो ल'ह'राय लांबाय आंनि बे समायना बिबारनि मालाया। सानदोंमोन आं बै बारसेल' ग'लाप बिबाराव सिखिर जानां बिबार बिदै जोबनो नाथाय; फैमाल आंनि मिजिक। मेगन गोसा बारहुंखाया बुखारनानै लांबाय गुवार बाला हामानि गेजेराव माब्लाबाबो हायाखिसै फैफिनो गिदिनानै। आन्दाय नांबाय आं बै बिबारनि बागान दैबाय लांबाय आंखौ गुबुन मोनसे बिबार बागानाव। थाबाय बोल' आंनाव सुख' हायै हाजासे दाला फैफिन नांबाय आं लानानै फैमाल मिजिक।

मुसि सुबिलाल दैमारि।  
गामि - दावराय बारी।  
ला:सो: - झारबिस फानि।  
जिला - सिरां।

## बिग्रायारी

जों बिग्रायारी जों सुथुर एनस्रांगिरि; सोमखे बिमानि मोखांखौ खालायगोन जौलाउआरी। बे मुलुगाव सोरबा मावोब्ला हारिनि गोरोन्थि, सहायनो हाया जों मानोबा गाज्रि खांन्थि। फावसाया जों, सुथुरनि आखायनिफ्राय, होखार हरगोन जों उदाखारी हानजाखौ बेनिफ्राय। थै? बड'लेण्ड सोरजिग्राफोर, गैलिया उन्दुना थानाय सम, दा समफैबाय जांखिखांनायनि सम। दडब्ला सोरबा उन्दु गादुरा; हानाय नड खालामनो अनसुलि बिमानि मुंदांखा। जों मेंनो रोड, जों जिराया, जौब्लावनाय अरा खामखागोन, मोनथायनि गोजोन ग्रीत मोनथोरा जेब्लाबो मुलुगाव देरहासारगोन। बड'लेण्डजों सोरजि लांथार गोन।

मुसि फैलाउ कछारी।  
ला:सो: - गेरुवापारा।  
जिला - नलबारी।

आंनि मुज दै। राजुस्थान, बिहार, पानजाब बायदि राज्योआव, मेगननिफ्राय मेदै गहोयो आं सुबुं माहारिखौ। आं रावनिबो लामा गैयैजोंबो, आंनि मुज -दै। आंखौ सुबुं माहारिया सोंखारिनो हागौ, नाथाय आं नडब्लानो दिनाव खाना। आंखौ नेवसिनानै सुबुं एबा दाउमा-दाउसा जीब-जुनार बिफां लाइफां थानानै थानो हागोन? बे नंखाइ, आंनिखुइ देरसिन सोर दं आंनि मुज -दै।

मुसि बिसनाथ मुछाहारी।  
रैमालि जुनियर कलेज, बिजनी।  
ला:सो: - मालि पारा।  
जिला - चिरां।

## रंजालि गथ'फोरनि सौरा

### गोरोबनै खन्थाइ

बड'फानि जा सानस्त्रिनाय  
बड'फानि जा मिजिनाय

दं बेसेबा सानथौ थाथौ  
जों होनांगोन गोसो गोथौ

बड'फानि जा सानस्त्रिनाय  
सैथोथाय आरो गोथारथाय

बड'फानि जा मिजिनाय  
बर'हारिनि गनायथाय

आगै नौनि खन्थाइ रेबनाय  
आरो खन्थाइ फरायथिनाय

जोबोर जोबोर मोजां जादों  
खोनासना थाजिम मोनदों

सुबुं जिउवाव नांगौ आसार  
नागारनो थाखाय अनागार

जायनाव आसार गैया जागोन  
बियो हले बारि बारगोन

मानसि जिउवाव बेराम आजार  
जायोबा जानाडे दिखार

बेराम आजार मानसिनि  
जिरि जिरि जिंगा अरायनि

फैमालनि हांमा खन्थाइया  
मोजां जादों आगैनिया

जानो हागौ रेबगिरिया  
गाव गोसोनि मिजिनाया

मोगथां महर मोनैखायनो  
फोरमायथिदों दाहाखौनो

-रैदोम बर',  
माजदिया, बगुलामारि,  
बाक्सा

## हादर बिमा

ए! अनसुलि हादर बिमा दड, नामा नौनाव, मानिबा मुहिमा गोबों गाबजासे हखाव हखाव उखैहाव गांहाब देहा लानानै, उन्दुनाय गैया, जिरायनाय गैया; मानसि माहारि जीब जुनार। मा जाबायदों नों ए! अनसुलि हादर बिमा, बुहुम खांन्थि संसारनि जोनोम, जुलि, थैनाय, बिफां-लाइफां जिब-जुनार लानानै बुहुम बिखायाव मानि दाहार सुख'दों। ए! अनसुलि हादर बिमा, गाबनाय दड मिनिनाय दड सुखु-दुखु लाना नों अराय। गोजोन अखांनि पुर्णिमा हर खोमसि हर दान खोमसि जेब्लायबो जौलाय गोमोरलाय रिथि रिथा हाथरखिफोर। दाहा दड नौनाव बुहुम गावजासे बांनि, सार अन्थाय, बारहुंखा, बानानि बुसोम लानाय गोबों बिखा गेजेर गेजेर। ए! अनसुलि हादर बिमा, गोजोन संसार बुहुम बिखानि सुबुंनि लोगोसे माया फाख'न, गेलेदों नों अराय। जोनोम, जुलि, थैनाय खांन्थि बुहुम बिखानि थाबायथा नों अराय, दागावसालां हारि धोरोम गोजोन संसार सिबिगोन नोंखौ गोजोन अराय।

मुसि उतजल कुमार ब्रह्म  
गामि + ला: सो: कमलसिं  
जोधोनगिरि- लिखिराम ब्रह्म  
जिल्ला - कक्राइर, बि टि सि आसाम।

### गेदेमा सुबुंनि बोसोन

(क) मैला गैथि मुवाया जॉनि गोसोखौ गोजोन होयो, जॉनि खाथियाव जेब्लाबो थानो मोजां मोनो। मानोना गोथारा मोजां गोजोन, गोसो मोदोम बेरखांहोनो हागौ।  
.....कमल कुमार ब्रह्म।

(ख) खन्थाइ आरो सावगारि मोननैबो आर्ट (आरिसु)। सावगारिया मेगननि हेफाजाबजों खेंसालियै आरो खन्थाइया खोमानि हेफाजाबजों थोंजोडै जॉनि मोन्दांथिखौ बिलिरहैयो।  
.....ब्रजेन्द्र कुमार ब्रह्म।

(ग) संसाराव जेसे दुखु-दाहाखौ बावहोनो हानाय मावा मुलि दंब्लाबो बेयो मोनसेल'--- थुनलाइनि मिलौनाय बिदै।  
.....आनन्द चन्द्र मुसाहारि।

(घ) गिबियाव गावखौ बुजिना ला, होमब्लासो गुबुनखौ गोरलैयै बुजिनो हागोन।  
.....कक्रेटिछ।

(ङ) जाय सुबुड रावआ मा बेसाद आरो बेयो माबोरै महर लाखो मिथिया, बियो गावखौनो गोरों सुबुं होनना बुंनया उंसिद नड होनना सानो।  
.....मेक्समुलार।

(च) गावनि सायाव फोथानायनो दावगानायनि गिबि साबि।  
.....एमर्सन।

(छ) नों बिब्दि खन्थाइ रनसाय जायनि फंफ्रोमबो सोदोबा जॉनि मेलेमाव मोनफा जाथाइ गोनां बुंफोरथि जाना थायो।  
.....ब्राउनिं।

-दिपेन चन्द्र बर'  
रडिया, कामरूप

## गोसो थोनायनि रंजानाय

आं थाफैबाय दिनै गोदाउ सोराव आंखौ दोनफैबाय जोनोमगिरि आइ आरो अफा आंनो अननायजों होदोंमोन मबाइल फन; नाथाय आं गेलेयो रंमानटिक मेल'दियाव आंनो नांगौ प्रचान्ट लैथोमाखौ; हमारथ' गोसोखौ सुस्लायनो हो। सानफ्रोमबो नागिरो आं हेन्दसाम बय आं रायज्जायो बौसोरबादि हेन्दसामजौल'; बिजाब मेला बोलानाय सिमां सिमां नुयो; बै सिमांआ आंनि रंमानटिक अ'वेभआव गेलेनो-गोसोआ हास्थयो हिनाजव गोदाननि महर; नाथाय आं दिनै प्रमसनआव फेल। आंनि देरसिन सेरजों सोरबा संग्राया राव ह'रोब्ला-आंहा सेल्प कन्ट्रल गैखाया फावआव आंनि कुनजुगोसन। हास्थायदोंमोन जोनोमगिरिफ्रा मानसि महर'नो संसाराव दोनलांफिनो नाथाय दिनै मिउजिकेल नाइटआव गोजावबाय मिथिगायाव समायना हाग्राखौल' नुयो समायना मुलुगाव जायहा बांसिन मेलेमगोनां बेसोरल' जायगा बांसिन मेलेमगोनां सोरल' जायगा मोनसिगोन? नाथाइ दिनै सुंद' जीउनि थांखि नोंहा। दुखु मोनदों दिनै जोनोमगिरि आय आरो आफा; नौनि थाखाय आं थोजासे रां गारदोंमोन नौनि थाखाय आं आंनि जानायखौ गारथ'दोंमोन समाव-सम गोसोखांब्ला होन्नाय आयनि आरो आफानि राव मैया हराव आं सान्दोंमोन नोंखौ आंनि सानथ्र'हायै उनदाहा लानानै; जाहोनाव सिरलावदोंमोन आंनि मिजिं देराया आं सोंदों, "जोनोम लानानै नों आदुवा जायोब्ला हाथपला महर लानांगोन।" थादों सुबुं, "आं बेबादि समावल' गात्रयो।"

-टेनिसन बसुमतारी  
थाखो - ( 12 ) जिनै ( साइन्व )

दै

अर निबो बिफा आं जिब-जुनार बिफां-लाइफांनि गाहाम जीउमा आं। आंखौ नागारनानै रावबो थानानै थानो हाया, आंनि मुज-दै सुबुड आंनि थाखाय देरगाथाव नाथाय, आंनिखुइ देरसिन सोर दं? आंनि बोथोराव सुबुंखौ खालामनो हायो आं हालाइ-हाफाइ, आंनि मुज-दै। आंहा थि महर गैया जि मुवायाव दोनो बेनि महर लायो आं दैज्जलां बोथोराव जावरिखाडे आं, मेसें बोथोराव रानत्रिं लाडे आं, बेनो आंनि गुबै आखु,

# सालबारिआव बड'फा उपेन्द्र नाथ ब्रह्मनि जोनोम सान फालिदो

**सालबारि, 1 एप्रिल:** सालबारि महकुमा सदर आरो सालबारिनि खाथियाव थानाय गेजेर बिजनी दखरा एबसुनि मावखुलियाव मैया आलदा-आलादायै बड'फा उपेन्द्र नाथ ब्रह्मनि जोनोम सानि लोब्बाजो फरायसा सान फालिनाय जायो। सालबारि महकुमानि सदरआव थानाय सालबारि फरायसालिमानि सावराय न'ब्लाडव फरायसालिमानि आइकिउएसि आरो बर' बिफानि बान्जायनायाव सानसेनि हाबाफारिजो फरायसा सान फालिनाय जायो। सानसेनि हाबाफारिजो फालिनाय फरायसा सानआव फरायसालिमानि फिर्फिलाखौ बिरहोयो फरायसालिमानि गोरायुं उ जगत चन्द्र बसुमतारिआ। बड'फा उपेन्द्र नाथ ब्रह्मनि मुसुखायाव आलारि बाथि फोजोना, बिबार बाउजेनानै मान होयो सालबारि टिसिएलसिसिनि मासिगिरि बिन्द मुसाहारीआ। बेनि उनाव बाथो आर'ज गावनाय जायो। सानजोफुनिक्राय



सालबारि फरायसालिमानि गोरायुं उ जगत चन्द्र बसुमतारिनि दैदेन्याय खुनाय बड'फा उपेन्द्र नाथ ब्रह्मनि जिउ आरो आदर्स आयदिनि सावराय मेलाव एबसुनि मिरुनि थुनलाइ नेहाथारि रमिअ बसुमतारि आरो एबसुनि बाक्सा जिल्ला आफादनि आफादगिरि उमेश दैमारीआ तिखानाय आयदिनि सायाव बिबुथि होयो। बे सावराय मेलाव सालबारि फरायसालिमानि लेडइ गोरायुं उ

दुलेन चन्द्र बसुमतारिआ आलासि महरे बाहागो लायो। सालबारिनि खाथियाव थानाय एबसुनि गेजेर बिजनी दखरा आफादनि मावखुलियावबो दखरा आफादनि बान्जायनायाव मैया सानसेनि हाबाफारिजो फरायसा सान फालिनाय जायो। सानसेनि हाबाफारिजो खुनाय फरायसा सानआव एबसुनि फिर्फिलाखौ बिरहोयो गेजेर बिजनी दखरा आफादनि आफादगिरि सोमखोर'बर'आ। बड'फा उपेन्द्र नाथ

# लावपारायाव फरायसा आफादनि बान्जायनायाव बैसागुनि मावबादा

**तामुलपुर, 1 एप्रिल:** असमीयानि माहारिनि आंगो रंजालि बैसागुखौ बरायनो थाखाय असमीया लाइमोन सेंग्रा-सिख्लाफोरा रइज्योनि खना-खनला जेरावबो साखा-फारा जानायखौ नुनो मोन्दो। बे बिथिडव नाग्रिजुली ओन्सोलनि लाइमोन सेंग्रा-सिख्लाफोराबो उनफिनानै थायाखै। रंजालि बैसागुनि सिगां-सिगां नाग्रिजुली आन्सलिक फरायसा आफादनि बान्जायनायाव आरो लावपारा-तेबितला दालाइसा फरायसा आफादनि हेफाजाबआव लावपारा गुदि फरायसालि लांगोनायाव 1 एप्रिलनिक्राय 12 एप्रिलसिम सान जिनेनि हाबाफारिजो रंजालि बैसागुनि मोनसे मोसानाय मावबादा जुरिजेन्यायखौ नुनो मोन्दो। नाग्रिजुली दालाइसा फरायसा आफादनि आफादगिरि हिरक मेथिनि सामलायनायाव खुंफुनाय मोनसे मेलआव दिनेनि बे बैसागु मोसानायनि मावबादाखौ बापुजि गोजो गेजेरि फरायसालिनि



आजिरा मोन्याय फोरोगिरि एबा हारिमुवारि मावफारिया स्वेस्वर दासआ बेखेवनानै होनायखौ नुनो मोन्दो। हाबाफारिखौ बेखेवनानै दासआ आसामनि माहारियायि फोबो बैसागुखौ आसाम एबा असमीयानि जिउ होन्ना फोरमायथियो। बैसागु फेब्लानो आसामनि बिफां-लाइफां गासैबो गोदान जिउ मोनफिन्याय बायदि जायो होन्ना दासआ गावनि

बिबुथियाव फोरमायहरो। नाग्रिजुली आन्सलिक फरायसा आफादनि बान्जायनायाव नाग्रिजुलीनि लावपारायाव खुंफुनाय बैसागु मोसानायनि मावबादाया ओन्सोलनि गुबुन गुबुन हारि-माहारिफोरनि लाइमोन सेंग्रा-सिख्लाफोरनि गेजेराव खौसेथिनि बेन्दो जौ बोथिनानै दोनो हादो होन्ना दासआ फोरमायदो। बैसागु

मोसानायनि मावबादायाव फोरोंथाइ लानो जेरैबायदि लाइमोन सेंग्रा-सिख्लाफोरा ओंखारबोदो बैयो माहारिनि थाखाय गहाम लैक्षोन होन्ना दासआ मिबथिहोबावदो। फरायसा आफादनि बान्जायनायाव खुंफुनाय बे जिने सानआरि मावबादायाव बैसागु मोसानायनि फोरोंथाइ लानो थाखाय गेदेरथारि नाग्रिजुली, लावपारा, साहपुर, तैबितला ओन्सोलनि गोबां लाइमोन सेंग्रा-सिख्लाफोरनो बाहागो लाफै यो। बैसागु मोसानायनि मावबादायाव फोरोंगिरि महरे शिकारनि दासआ बाहागो लायो। बे मावबादायाव नाग्रिजुली आन्सलिक फरायसा आफादनि नेहाथारि अनुप बैश्व, तामुलपुर जिल्ला फरायसा आफादनि फोसावदि नेहाथारि दिगन्त बेज बरुवा, लावपारा-तेबितला दालाइसा फरायसा आफादनि बिबानगिरिफोरनि अनगायैबो ओन्सोलनि जर'खा सुबुफोराबो बाहागो लायो आरो फरायसाफोरखौ गोसो-मोदोम दुखां होयो।

(□ 1 बिलाइनिफ्राय)

(□ 1 बिलाइनिफ्राय)

(□ 1 बिलाइनिफ्राय)

## राइज्योयाव खुंजानो गोनां लकसभा बिसायख थिखौ लोब्बा लानानै बन्द' फोसावदो

आलादायै राइज्योनि दर 14 लकसभा बियाबआव फोसावनाय बिथोनमाया बाहायजागोन। गिबि खोलोबनि बिसायख थिनि थाखाय 19 एप्रिलयाव जायगायारि बन्द' फोसावजायो। 19 एप्रिलयाव काजिख, सनिपपुर, लक्ष्मीपुर, डिबुगड, जरहात लकसभा बियाबनि ओन्सोलफोरखौ बन्द' फोसावदो। लोगोसेनो नैथि खोलोबनि बिसायख थिनि थाखाय 26 एप्रिलयाव जायगायारि बन्द' फोसावदो। 26 एप्रिलयाव दर-उदालगुरि, नगाव, डिपु, शिलचर, करिमगन्ज लकसभा बियाबनि ओन्सोलफोरखौ बन्द' फोसावदो। फारसेथिं, थामथि खोलोबनि बिसायख थिनि थाखाय 7 मेखौ जायगायारि बन्द' फोसावदो। 7 मेयाव गुवाहाटी, बरपेट, धुबुरी आरो कक्राझार लकसभा बियाबनि ओन्सोलफोरखौ बन्द' फोसावदो।

## जौगाखानायनि सार्थआव माजुलीनि थागिबिफोरा नरेन्द्र मदिखौ गोहो गोरा खालामगोन....

बाहागोखौ फेगो 2025 माइथायनि बैसागु समाव रइजोफोरनो बेखेवनानै होनो हागोन्ना होन्ना गिबि मन्थिआ फोरमायबावो। गोबां असुबिधानि जोहोनाव धुनागुरिनि दालानि माखासे बाहागोखौ मावफुनो हानाय नड होन्ना फोरमायनानै सेप्टेम्बर-अक्टबर दाननिक्रायसो खामानिखौ जागायजेनो हागोन होन्ना मिबथि होयो। गोबां असुबिधानि गेजेरजौब्लाबो 2026 माइथायनि बिधान सभा बिसायख थिनि सिगां-सिगां बे दालांखौ आबु खालामनो थाखाय सरकारआ नाजाबाय थागोन होन्ना गिबि मन्थि शर्माआ मिबथिहोबावदो। रइजो-राजाफोरा नरेन्द्र मदिनि खामानि मावनायफोरखौ नायनानै भट होगोन होन्ना गिबि मन्थिआ फोरमायनानै माजुलीनि थागिबिफोरा दालानि अनगायैबो गोबां बेसेन गोसा मोनो गोनांफोरखौ मोनो थंगासिनो दडहोन्ना फोरमायथियो। बेनिखायनो माजुलीनि थाद 'नाय गैयै जौगाखानायनि सार्थआव नरेन्द्र मदिनि आखायखौ गोहो गोरा खालामगोन होन्ना गिबि मन्थिआ गावनि फोथायथियाव लाखिनायखौबो फोरमायदो। गुबुन फार्सेथिं जरहातनि कंग्रेसनि बिजाथिखौ गिबि मन्थिआ देरहानाय नड होन्ना फोरमायनानै बिजेपि दोलोआ बे बियाबनिक्राय 2014 माइथायनिक्रायनो देरहाबोगासिनो दडहोन्ना मिबथि होयो। गिबि मन्थिआ फोरमायबावनाय बायदिब्ला, आथिखालाव माजुलीनिक्राय मोनानि समावबो फेरिआ थालाय-फैलाय खालामो। माजुलीनि हा रेखाथिनि थाखाय हेरिटेज ब्लक एन्ड बेल्ट दाफुनायबो जाबाय। माजुलीनि सोरगिदि मोनसे नायबाय थाथाव थासारि सोमजिनो थंगासिनो दड। दालां लुफुंबाय थानाय जायगायावनो दालां फोनांजाब लामानि थाखाय आवगिजानाय हानि आबादारि नख र'फोरा खहा सुफुंथाइनि दाबि दैखानानै गिबि मन्थिनियाव आर'ज गावनायखौ नुनो मोन्दो आरो गिबि मन्थिआबो बिसोरनो मावफुनानै होगोन होन्ना खोथा होनायखौ नुनो मोनो। बे हाबाफारियाव गिबि मन्थिजौ लोगोसे माजुलीनि एमएलए भुवन गाम, राइज्योआरि लाइमोन गांखनि आफादगिरि सिहांकु अंकुर बरुवा, नेहाथारि रनजन महन्तजौ लोगोसे बिजेपिनि गोबां दैदेनगिरि मावफारियाफोरनो बाहागो लानो हानायखौ नुनो मोन्दो।

## गन' सुरक्षा पार्टिआ बिटिआरनि दरफ्रोमबो बियाबनिक्राय 60 रोजानिखुइ बांसिन भट ...

पार्टिनि बिजाथि उ स्वर्न देबिखौ लानानै नब' कुमार शरनिआआ बुंदोदि, दर-उदालगुरियाव बे खेबनि बर' राइज्योफोरनि भटआ बिजेपि फारसे थानायनि जेबो मिजिं गैया। थानाय सानाव एमपि दिलिप शइकियाआ बिटिआरनि राइजो-राजाफोरनि जौगाखानायनि थाखाय सदनायव जेबो बाश्रा बुडावै। दर-उदालगुरियाव बिपिएफका 3 लाख भट मोनब्लाबो जौनि भटआ रावनिबो फारसे थाड। बेयावनो बिजेपिनि भटआ थंगोन होन्ना एमपि नब' कुमार शरनिआआ बुंदो। फारसेथिं, खौरंगिरिनि मोनसे सौथिनि फिन्यायाव एमपि शरनिआआ बुंदोदि, जौ दरब्रे लकसभा बियाब- डिपु, नगाव, दर-उदालगुरि आरो कक्राझारव जौनि बिजाथिया बिसायख थि बादायलायगोन आरो दरब्रे मासियावनो देरहागोन होन्नाबेबो दाबि खालामो। लोगोसेनो दर-उदालगुरिनि बिजाथि उ स्वर्न देबिआ बे खेबनि दर-उदालगुरि बियाबआव समाजनि नेमखाथिनि बाश्रा बुंथिनयजौ भयर राइजो-राजाफोरनि खाथियाव फेगोन होन्ना मख'दो। 2 लाख भटनि फारागथियाव देरहानायनि मिजिं फोरमायदो। लोगोसेनो बिजाथि देबिआ गावजौ सोखा हेंथा बादायारि गैयाब्लाबो एमपि दिलिप शइकियाजौ लोगोसे बादायलायनाया जागोन होन्ना बिथाड मख'दो।

## बोथोर गाजिनि थाखाय राजा सोरांनि 5थि ...

गोदायनि राजा फोबोनि समनिक्रायनो समाइना-रमाइनायै देअल फोबोखौ फालिबोगासिनो दड। बे खेबआवबो सान्थामनि हाबाफारिजो बे देअल फोबोखौ खुंफुनो आखायाव लानायखौ नुनो मोन्दो। दिने जोबथा एबा ओन्सोलारि रावआव फाल्तिआव दिखानाय फोबोसिम आवगायनाय आरो दावगानाय समाव थाद 'नाय गैया लासेनो सार-अन्थाइ अखा हानायाव हालाय-हाफाय थासारि सोमजिनयजौ लोगोसेनो दसे समनि गेजेरावनो मेला जानाय ओन्सोला सेरखाइ-बेरखाइ थासारि सोमजियो। जर'खायै गोबां बिबानि दखान बायदि मैया गलादारफोर जुरि जेन्याय समावनो फोजोबफिनो गोनां जानायाव खाफलाव आखाय हमनो गोनां जायो। गासैबो रंजानाय-बाजानाया दसे समनि गेजेरावनो जोबनानै थांदोब्लाबो बोथोरआ एसे गहाम जानाय लोगो-लोगोनो दर हिपाझारनि मुंदांखा करिशमा नाथनि मिलिजुलि नागार दोलोआ नागार नाम दिन्थिफुन्याय राइजोनि गेजेराव रंजाखानाय थासारिया सोमजिफिनो। मोनाबिलि समाव करिशमा नाथनि नागार नामआ मोजांडे-मोजां जोबलाडो। गुबुन फार्सेथिं 29 मार्च सानखालि थासारि नायगिदिनाय, फिर्फिला बिहोनाय, आगुनि बिबानगिरिफोरखौ मान बाउनाय, गोसोखां खामफायाव मान बाउनाय, बिफां फुलि गायनाय, मोनाबिलिआव आलारि बाथि फोजोनाय आरो बोसोरारि फुजा खालामनाय खान्थिजौ सैथि साननि हाबाफारिया जोबनानै थाडो। नैथि एबा 30 मार्चआव फुनि थ्रि श्रि लक्ष्मि फुजाआ जागायजेनो। सिबियारिफोर फुजा होयो आरो मोनाबिलि समाव आलारि बाथि फोजोनाय आरो नाम खन्याय बायदि हाबाफारिया मोजांडे-मोजां खुंफुं जानायखौ नुनो मोनो।

## फैगौ 17 एप्रिलआव गाहाइ मन्थि नरेन्द्र मदिआ आसामाव..

खुंनो गोनां बे बिसायख थि मेलनि थाखाय खुंथाय गोहोयाव थानाय बिजेपि दोलोआ थियारि खालामदो। गाहाइ मन्थिनि मदिआ बाहागो लानो गोनां बे मेलनि थाखाय लामानि बिथोनमानिक्राय जागायनानै गेदेर साइनासालि बायदिनि थाखायबो आलादा-आलादायै साखा-फारा खालामदो। गुबुन फार्सेथिं, दिने हेलिकप्टर लानानै मेल खुंनो गोनां थावयाव नायगिदिहैयो मन्थि जयन्त मल्ल बरुवाआ। थावनियाव नायगिदिहैनानै मन्थिआ मोनफ्रोमबो बिथिनि सायाव सावरायलायो। बे मेलनि थाखाय मोनथाम हेलिपेड लुनाय जागोन, बेनि थाखाय गोनांथि जानाय खामानिफोरा थाबेनो जागायजेनगोन। गुबुन फार्सेथिं, बरपेट लक सभा बियाबनि 2 लाखनिबो बांसिन सुबुफोरनि बाहागो लानायाव बे हाबाफारिया खुंफुजागोन होन्ना नलबारिनि एमएलए आरो मन्थि जयन्त मल्ल बरुवाआ बे बाश्राखौ फोरमायो।

## 10 एप्रिलयाव कालिफुखि इउनाइटेड क्लाबनि सनाथि ...

ओन्सोल। ओन्सोलयाव जर'खायै गेलेमु बिथिडव बाहागो लानायजौ लोगोसे समाजयारि, हारिमुवारि, साथौयारि बायदि बिथिडव मोजां हाबा मावबोनाय क्लाबनि सनाथि माइथाय फोबोखौ गेदेर हाबाफारिजौ जाफुसारे खुंफुनो आथिखालाव मोनसे गोखौ बान्जाय आफाद दानाय जाबाय। सोलिफु दाननि 10 एप्रिलयाव कालिफुखि इउनाइटेड क्लाबनि सनाथि माइथाय फोबोखौ फालिनो प्रदिप कुमार रायखौ आफादगिरि, सुरेश चन्द्र राय आरो चक्रधर रायखौ लेडइ आफादगिरि, हेमेन रायखौ नेहाथारि, हिरकज्यति बर्मन आरो मनरञ्जन बर्मनखौ लोगो नेहाथारि, यामिनी रायखौ रांगिरि, रमेन रायखौ गेलेमु, प्रनब कुमार रायखौ हारिमु, मनिन रायखौ मावखुलि नेहाथारिनि अनगायैबो पबित्र कुमार रायखौ गोसोखां लाइसि सुजुगिरिनि बिबान होनाय जादो। गोसोखां लाइसिखौ गासै बिथिडव समायना महाराव दिहुनजानो थाखाय सुजुगिरिखौ मुकुब जानाय नुनो मोन्याय जादो। लोगोसेनो बासुगाव जुनियर कलजेननि बिबुगिरि आरो लाइमोन खन्थायगिरि-थुनलाइ सिबियारि महरे मुंदांखा मिबथिजानाय पबित्र कुमार रायनि दैदेन्यायाव ज्यति प्रसाद राय, हिरकज्यति बर्मन, कपिल राय, मनरञ्जन बर्मनमोनखौ लानानै मोनसे सुजु आफाद दानाय जादो होन्ना मिबथिनो मोन्याय जादो। बेनि अनगायैबो सनाथि माइथाय फोबोखौ गासै बिथिडव समायना महरे जाहाथे खुंजायै बेनि थाखाय ओन्सोलनि गागि जर'खा सुबुं कर्नमहन राय, बिरन राय, रहेन राय, इन्द्रजित बर्मन, अनिरुद्ध बर्मन, घन कान्त राय, माधव राय, सुरेन सिं रायखौ बोसोनगिरि महरे लानाय जादो। आथिखालाव ओन्सोलनि राइजो-राजाफोरनिक्राय दान अनुसूथाय-बोखांवाय थानाय जादो।

## शंकरदेब शिशु निकेतनआ सोलोथाइगिरि उं मुकुन्द ...

निकेतननि सामब्लाय आफादनि आफादगिरि लैसेन्द्र कुमार चौधुरिनि आफादगिरि मासि सामब्लायनायाव निकेतननि सावराय न'ब्लाडव बराय हाबाफारि खुनाय जायो। भवानिपुर शंकरदेब शिशु निकेतननि गाहाइ फोरोंगिरि गपाल बायनआ दैदेन्याय आरो सामब्लाय आफादनि नेहाथारि रविन दासआ थांखि बेखेवना होनाय बराय मेलाव उ मुकुन्द शर्माखौ भवानिपुर दखरा फरायसालिमानि जौगाथाय आरो भवानिपुर ओन्सोलनि समाजारि बिथिव होबोनाय बिहोमानि थाखाय बिहु फालि, मान बिलाइ, शराइ, गोसोखांथि बायदिजौ शंकरदेब शिशु निकेतननि बिबानगिरिआ बरायो। लोगोसे उ मुकुन्द सर्मनि बिसि आरो तिहु फरायसालिमानि लोगो प्रफेसार उ दिपालि शर्माखौबो बरायनाय जायो। बराय हाबाफारियाव उ मुकुन्द शर्मा आरो उ दिपालि शर्माआ भवानिपुरनि राइजो-राजाफोरनो हामब्लायथि जासिनानै बिबुथि होनायजौ लोगोसे बाराग' सोलोथाइ बिबानगिरि धरनिधर तालुकदार, भवानिपुर गोजौसिन गेजेरारि फरायसालिनि गोरायुं अन्जन कुमार मिश्र, बाराग' लेडइ गोरायुं तुतुन चन्द्र दास, भवानिपुर गागि नोगोरारि आफादनि मावफुं आफादगिरि सतिश डेकाआ बिबुथि होनानै उ मुकुन्द शर्माआ भवानिपुरआव होबोनाय बिहोमानि सायाव गुवारे फोरमायथिनानै होयो।

## एनडिए सरकारआ आजवनाय सुबुं अन्सायलु बिथांखिफोरनि गेजेरजौ राइज्योआ मुलाम्फा..

लानानै गसाइगाव बिधान सभा बियाबनि गुबुन गुबुन ओन्सोलफोराव दावबायथिनानै बिसायख थि फोसावदिडे। भट होग्रा राइज्योफोरखौ सांग्राथि होनायजौ लोगोसेनो गोसो बोहोनायनि थांखिजौ बान्जायनाय मथर साइकेल हान्जा सुरनायाव 1 नं. कक्राझार सकसभा बियाबनि जुथाय दोलोनि बिजाथि जयन्त बसुमतारि, एमएलए जिरन बसुमतारि, बिजेपिनि एमसिएलए शजल कुमार सिंहजौ माखासे दैदेनगिरि-मावफारियाफोरबो बाहागो लान्दो। कक्राझार लकसभा बियाबनि जुथाय दोलोनि बिजाथि जयन्त बसुमतारिआ हाबाफारियाव बाहागो लानानै गावनि बिबुथियाव एनडिए सरकारआ आजवनाय सुबुं अन्सायारि बिथांखिफोरनि गेजेरजौ सरसनस्त्रा राइजो-राजाफोरा नांगौ जानाय बायदि मुलाम्फा मोनो हादो होन्ना फोरमायनायजौ लोगोसेनो फिन खेबसेबाव नरेन्द्र मदिखौनो भारतनि गाहाइ मन्थि महरे सायख'नो थाखाय सिगांबोना आवगायलांगसिनो दडहोन्ना फोरमायदो। फेगौ बिसायख थियाव एनडिएनि बिजाथि महरे राइजो-राजाफोरनि गोबां हेफाजाब मोन्दो आरो 70 जौखोन्दोनिखुइबो बांसिन भट मोन्यानि 1 नं. कक्राझार लकसभा बियाबनिक्राय बिसायख थियाव देरहासार जागोन होन्ना दाबि दैखाडो। गुबुन फारसे, गसाइगाव महकुमा सदरजौ लोगोसे साबकाता, काशियाबारि, श्रीरामपुर, बरबादा आरो रुपशिगावयाव खुनाय बिसायख थियारि फोसावदिनाय मेलायव एनडिएनि बिजाथिया बाहागो लानानै राइज्योफोरखौ थांखिनानै बेसेन गोसो भटखौ एनडिएनो होनो थाखाय गुरैयै खावलायो।

## बि टि सिआव अबर' सोदोबआ गैया, बि टि सिआव एन डि ए दड': धनन्जय बसुमतारि

सोलायै खारखुमानाय बिफाव लानाय एमपि नब' कुमार शरनिआनि सम बे खेबाव मोजां नड। गोबां भटनि फारागथिजौ जेनगोन।' बे बाश्राखौ बुडो बिटिसिनि मावफुं सोद्रोमा धनन्जय बसुमतारिआ। दिने सालबारिआव कक्राझार लक सभा बियाबनि एनडिएनि बिजाथि जयन्त बसुमतारिनि हेफाजाबाव मानास बियाब बिधान बिसायख थि सामब्लाय आफादनि मावखुलि बेखेवनानै मावफुं सोद्रोमा धनन्जय बसुमतारिआ बे बाश्राखौ बुडो। मावफुं सोद्रोमा धनन्जय बसुमतारिआ गावनि बिबुथियाव हाग्रामा महिलारीखौ गोखौं रावजौं सोंखारिनानै बुडोदि, बिटिसिआव हाग्रामा महिलारी आरो बिपिएफनि दिनेनि समाव जेबो गैया। बिटिसिआव हाग्रामा महिलारीनि लाथिख 'ल'सो दड'। हाग्रामा महिलारीआ गावनो मिथिगैदि बे खेबनि लक सभा बिसायखनथियाव बिपिएफ दोलोआ मोनसेबो मासियाव देरहासारनो हाया आरो गोबां भटनि फारागथियाव जेन्नांगोन। नाथाय फैबाय थानाय बिटिसि बिसायख थिसिम जाहाते बिपिएफनि जोलैआ थायो बेनि थाखायसो हाग्रामा महिलारीआ बिपिएफनि बिजथि फसंदो होन्ना मावफुं सोद्रोमा बसुमतारिआ बुडो। इउपिपिएलनि सालबारि जिल्ला आफादनि गाहाइ नेहाथारि सुरेश सरकारआ दैदेन्याय मेलाव सालबारि बियाबनि एमसिएलए जय मुसाहारी, टिसिएलसिसिनि मासिगिरि बिन्द मुसाहारी, इउपिपिएलनि आइजो गांखनि मिरुनि नेहाथारि हेलेना स्वरगियारी, बिजेपिनि बाक्सा जिल्ला आफादनि आफादगिरि शरत शर्मा, आसाम गण परिषदिनि बाक्सा जिल्ला आफादनि आफादगिरि मनमहन दाआबो बिपिएफ, कंग्रेस दोलो, एमपि नब' कुमार शरनिआखौ गोखौं रावजौं सोंखारिनानै बिबुथि होयो। मख'नो गोनांथि, बे मेलनि सिगां एनडिएनि गोबां दैदेनगिरि-मावथि, हेफाजाबगिरिफोरनि नुजाथिनायाव बिटिसिनि मावफुं सोद्रोमा धनन्जय बसुमतारिआ एनडिएनि मानास बियाब बिथांखि मावखुलिनि दरखंखौ बेखेवनानै होयो। गुबुन फार्सेथिं, मावखुलिनि मोखाडव एजिपि, बिजेपि आरो इउपिपिएल दोलोनि फिर्फिलाखौ फारिया मनमहन दास, शरत शर्मा आरो बिन्द मुसाहारीआ बिरहोयो।

## गिखंथाव बारहुंखाजौ गोबां न'फोरनि खहा आरो सासे गथ'सानि जोखोम

मजातिआव गासै गं 60 नख र'फोरखौ आबुडैनो खहा खालामलांनयखौ नुनो मोन्दो। गुबुन फार्सेथिं लालपुर गाभियाव 95 जौखोन्दो नख र'फोरनि न'-बां, बारि-बागान, बिफां-लाइफांफोरनो गोबां खहा जालांदो होन्ना मिबथिनो मोन्दो। गाभियाव बिफां-लाइफां बायनानै लामा-सामा हाथिनायाव गोबां दुखु-खस्थ खालामनो गोनां जादो। बे गिखंथाव बारहुंखाजौ जेनि बसुमतारि (9), सनालि बसुमतारि (14), फुंखा नाजारी (34), बारहां बसुमतारि (38), गपाल बरायारि (45), सुदेम बरायारि (13) आरो सुनिल मारिदि (36)आ जोखोम जानो गोनां जादो होन्ना मिबथिनो मोन्दो। बे गिदिंखन्नाय बारहुंखाजौ खहा जानानाय ओन्सोलफोराव एमएलए जिरन बसुमतारि, मावफुं सोद्रोमा रेवेरा नाजिहारिआ नायगिदि हैयो आरो जोखोम जानाय सुबुंफोर आरो खहा जानानाय नख र'फोरनि खौरां लाहैयो। एमएलए जिरन बसुमतारिआ खहा जानानाय नख र'फोरनो हरखाबनि थाखाय सरकारि हेजाबारि मुवा-बेसाद आरो फाहामथायनि थाखाय गिबि फाहामथाय होनायजौ लोगोसेनो रांखाथियायि हेफाजाब खालामनो थाखायबो खोथा होनायखौ नुनो मोन्दो। एमएलएआ मिथिगायारि जाब्रबथायनि पाखनआव गोग्लैनानै न' गैया जानानाय नख र'फोरखौ अरायथा नडै थाग्रा बादा गायसन्नानै गासैबो खाबु होनो थाखाय राहा खालामगोन होन्ना फोरमायथियो। बेजौ लोगोसेनो गसाइगाव महकुमा खुंथाइआबो खहा जानानाय नख र'फोरनो हेफाजाबआरि मुवा-बेसादफोर जगायनानै होनो थाखाय आखायाव लानायखौ नुनो मोन्दो। जाथाय सालियाव गसाइगावनि महकुमा बेंगिरि एबा लेडइ जिल्ला बेंगिरि आरन्थक शइकियाआ नायगिदि हैनानै थासारिनि खौरां लाहैयो आरो थाबेनो खहा जानानाय नख र'फोरनो जाग्रा आदार, फाहामथाय आरो गोनांथि जानाय गासैबो राहाफोरखौनो खालामनानै होनाय जागोन होन्ना खौरां बिजौनि सिगाडव फोरमायथिनायखौ नुनो मोनो।

# 'कृ' सावथुना थामथि सानावबो बक्स अफिसआव मोजां फालांगि खालामदों

करीना कापुर, कृति सेनन आरो तब्बुआ 'कृ' सावथुननि गेजेरजों अन्सायगिरिफोरनि गेजेराव गावसोरनि दोहोखौ दिन्थिफुनो हदों। सावथुना रिलिजनि गिबि साननि फालांगि यनो अन्सायगिरिफोरजों गोबां बाख्नायजागासिनो दड। बे सावथुना बक्स अफिसआव जोबोद मोजां फालांगि खालामगासिनो दड। साकनिलकनि रिपर्टनि बायदिल्ला, 'कृ' सावथुना थामथि सानाव 10.25 कौटि रं



आजिनो हदोंमोन। जुदि बुडोव्ला, बे सावथुना गिबि सावथुननि सेथि आरो नैथि साननि फालांगिनि बाथा फालांगि खालामदोंमोन।

थामहिनबा करीना कापुर, कृति सेनन आरो तब्बु स्टार 'कृ' सावथुना सानथामाव 29.25

कौटि रं आजिनो हदों। मख'नो गोनादि, बे सावथुननि बाजेटआ 50 कौटिसो जागोन होना खौं मोजना जादों। करीना कापुर, कृति सेनन आरो तब्बुनि अनगाथैबो 'कृ' सावथुनाव दिलजीत दीसान्स, कमेडियान कपिल शर्मा, सास्वत चेट्टि, रजेश शर्मा आरो कुलभुषण खरबन्दाखौबो फाव खालामनाय नुनो मोजना जादों। बे सावथुनखौ बालाजी टेलिफिल्मस आरो कापुर फिल्म एन्ड कम्प्युनिकेशन्स नेटमार्कनि बेनारनि सिडव बानायनाय जादों।

## सोलिफु बोसोरनि एप्रिल दानाव गोबां सावथुन आरो वेब सिरिजफोरा अटिटि प्लेटफर्मफोराव रिलिज जागोन



आथिखालाव सुबुंफोरा अटिटि प्लेटफर्मआव रिलिज जानो गोनां सावथुनफोर आरो वेब सिरिजफोरखौ गोसो गुडुडै नेनानै थायो। बेबायदि थासारियाव एप्रिल दानाव

अटिटि प्लेटफर्मआव गोबां सावथुनफोरा रिलिज जानो थांगासिनो दड। परिणित चप्रा आरो दिलजित दसान्द्र स्टार 'अमर सिंह चमकीला' सावथुनखौ नेटफिल्मसआव 12 एप्रिल 2024 खालि

रिलिज खालामनाय जागोन। बे सावथुना रोजावगिरि अमर सिंह चमकीलानि जिउनि सायाव बिथा खालामना बानायनाय सावथुन। सलमान खाननि बियादै आलीजादे अगि हत्रीनि 'फरेन'

सावथुनखौबो 5 एप्रिल 2024 खालि जिफाइबआव रिलिज खालामनाय जादों। आलीजादे अगिहत्रीआ बे सावथुनजों गावनि बलिउड केरियारखौ जागायदों। सुबुंफोरा बे सावथुनाव बिथानि फाव खालामनायखौबो जोबोद बाख्नायदों। टिभि फावखुंमि दिभ्यान्का त्रिपाठीनि थिलार वेब सिरिज 'आध्याशम' खौबो 11 एप्रिल 2024 खालि सानो लिभआव रिलिज खालामनाय जागोन। बे वेब सिरिजआव दिभ्यान्कां त्रिपाठीजों लोगोसे बिग बसनि बारग' बादायगिरि एजाज खानखौबो फाव खालामनाय नुनो मोनगोन।

सोलिफु बोसोरनि एप्रिल दानाव 'पैराजाइट द ग्रे' ड्रामायबो अटिटिआव रिलिज जागोन। बे करियान ड्रामाखौ नेटफिल्मसआव 5 एप्रिलाव रिलिज खालामनाय जागोन। साइलेन्स:केन इड हियार इट' सावथुनखौबो 10 एप्रिल 2024 खालि अटिटि प्लेटफर्म जि फाइबआव स्ट्रीम खालामनाय जागोन। यामी गौतम स्टार' आर्टिकल 370 सावथुनखौबो 19 एप्रिल 2024 खालि जियसिनेमायाव रिलिज खालामनाय जागोन।

## अमिताभ बच्चनआ मोनसे एक्सन सीकवेन्सनि सावगारि शेयार खालामदों

फावखुंमि अमिताभ बच्चनआ 1969 माइथायाव 'सात हिन्दुस्तानी' सावथुनजों गावनि फाव खालामनायनि केरियारखौ जागायजेन्दोंमोन। बिथाड 200 निबो बांसिन सावथुनफोराव खामानि मावखांबाय। बिथाड बावैसो सिगां गावनि इन्सटग्रामआव मोनसे पस्ट शेयार खालामदों। बिथाडा गावनि इन्सटग्रामआव गावनि मोनसे सावथुननि मन क्रम सावगारि शेयार खालामदों, जेख बिथाखौ मोनसे हाजोनिफ्राय बाजुमनाय नुनो मोजना जादों। बे सावगारिखौ शेयार खालामनानै बिथाड केफानआव लिरदोंदि, मोनसे एक्सन सिक्वेन्सनि



थाखाय 30 फुट गोजू हाजोनिफ्राय बाजुमनाय, जेबो हार्नेस, जेबो फेस रिप्लेसमेन्ट, जेबो भीएफएक्स गैयाजासे हाजोनिफ्राय बाजुमनाय। बे समफोराव बेफोर बायदि

सोलिदोंमोन। अमिताभ बच्चनि बे पस्टखौ नुनाय लोगो लोगो अन्साइगिरिफोरा बिथांखौ बाख्नायदों। सन्जय दत्तनि बिसि मान्यक्ता दत्तआबो बिग बीनि पस्टआव हार्ट इम'जि हसनै

रियेक्स खालामदों। थांनाय बोसोराव बिथांखौ टाइगर श्राफ आरो कृति सेननजों लोगोसे एक्सन सावथुन 'गणपथ' आव नुनो मोजना जादोंमोन। बिथाड आथिखालाव गावनि मोन्ने रावयारि सावथुन कृति 2898 एडिआव मुखुब जाना दड।

एप्रिल दाननि गिबि सानखौ एप्रिल फुल महरै फालिनाय जायो। आथिखालाव अक्षय कुमारआ 'बड़े मिया छटे मिया' सावथुननि थाखाय सावरायजागासिनो दड। सावथुना माखासे सानफोरनि उनाव रिलिज जानो थांगासिनो दड। बे सावथुनाव एक्सनजों लोगोसे कमेडिबो नुनो मोनगोन। अक्षय कुमारजों लोगोसे टाइगर श्राफखौबो 'बड़े मिया छटे मिया' सावथुनाव गाहाइ फाव खालामनाय नुनो मोनगोन। बे समाव बिथांमोननि मोनसे भिडिअया सशेल मिडियाआव भाइरेल जागासिनो दड। एप्रिल फुलनि फालिथायाव टाइगर श्राफ आ अक्षय कुमारजों मोनसे फ्रेंक खालामदों।

## गाहाम देहानि राहा

कलड ड्रिंक्सनि जायगायाव बाटार मिल्लकनि बाहायनाया नोंथांनि देहाखौ माबोरै सावस्त्रिगोनां लाखियो बेखौ मिथिना ला



एप्रिल दाननि जागायजेन्नायजों लोगोसे, गोलोम बोथोरनि गरमआ जागायजेनबाय। बिदुनि बांनया सिगांनिफ्रायनो सुबुंफोरखौ जेनायाव खोख्लैनो हमबाय। बिदुं बांनयनि जाहोनाव सुबुंफोरनि थासारिया गात्रि जानो हमदों। बेबादि थासारियाव बे बोथोराव गावखौ सावस्त्रि गोनाडै लाखिनो थाखाय गावनि जिउ लुबोनाया गोनांथार। गोलोम बोथोराव सुबुंफोरा देहाखौ थाजिम मोनहोनो थाखाय गोबां समावनो कलड ड्रिंक्स लोंनो मोजां मोनो, नाथाय कलड ड्रिंक्सआ नोंथांनि सावस्त्रिनि थाखाय खहा गोनां। बेनि जाहोनाव गोबां गोब्राव

जेनाफोरजों मोगा-मोगि जानांनो हागौ। बेनिखायनो नोंथाडा गोलोम बोथोराव कलड ड्रिंक्सनि सोलायै बाटारमिल्लक बाहानाया नोंथांनि सावस्त्रिनि थाखाय मुलाम्फा गोनां जागोन। गोलोम बोथोरनि समाव बाटारमिल्लक लॉनायनि माखासे मुलाम्फाफोरनि बागै नोंथाडा मिबथिना लानाया गोनां। बेफोर जादों- (1) देहाखौ गुसुयै लाखियो: सडा गोनां कलड ड्रिंक्सआ नोंथांनि देहाखौ दान्दिसेनि थाखायल' गुसुयै लाखियो नाथाय बाटारमिल्लकआ नोंथांनि देहाखौ सिंनिफ्राय गुसु खालामो। बाटारमिल्लकआव थानाय गुसु गोहोमफोर देहानि बिदुंखौ मोजाडै गुसु खालामो। (2) कनलिटपेसनिफ्राय

रिलिफ होयो: जुदि नोंथाडा कनस्टिपेसन बायदि जेनाफोरजों मोगा-मोगि जानो गोनां जायो, अब्ला सानफोमबो फुडव उदै खालिनि समाव बाटारमिल्लक लॉनाया नोंथांखौ कनस्टिपेसन जेनानिफ्राय रैखा खालामगोन। बेयो नोंथांनि उदैखौ बेरामफोरनिफ्राय रैखा खालामो। (3) बिबुनि सावस्त्रिनि थाखाय मुलाम्फा गोनां: गाइखेर दाखायाव गोबां बिबांनि प्रबाय 'टिक गुनफोर थायो आरो बाटारमिल्लकआ मोनसे दही गोनां लोंग्रा, बेनिखायनो बेयो जाग्रा खान्थियाव मोजां बेक्टेरियानि दिहुनथायखौ बांहोनायाव मदत खालामो। मोनसे सावस्त्रि गोनां जाग्रा खान्थिया नोंथांखौ सावस्त्रि गोनां देहा लाखिनायाव मदत खालामो।

## एप्रिल फुलनि फालिथायाव टाइगर श्राफआ अक्षय कुमारजों फ्रेंक खालामदों

एप्रिल दाननि गिबि सानखौ एप्रिल फुल महरै फालिनाय जायो। आथिखालाव अक्षय कुमारआ 'बड़े मिया छटे मिया' सावथुननि थाखाय सावरायजागासिनो दड। सावथुना माखासे सानफोरनि उनाव रिलिज जानो थांगासिनो दड। बे सावथुनाव एक्सनजों लोगोसे कमेडिबो नुनो मोनगोन। अक्षय कुमारजों लोगोसे टाइगर श्राफखौबो 'बड़े मिया छटे मिया' सावथुनाव गाहाइ फाव खालामनाय नुनो मोनगोन। बे समाव बिथांमोननि मोनसे भिडिअया सशेल मिडियाआव भाइरेल जागासिनो दड। एप्रिल फुलनि फालिथायाव टाइगर श्राफ आ अक्षय कुमारजों मोनसे फ्रेंक खालामदों।



गुबैयै अक्षय कुमार आरो टाइगर श्राफआ गुबुन माखासे सुबुंफोरजों लोगोसे माखासे गेलेमु गेलेनो थांगासिनो दंमोन। गेलेनायखौ जागायनायनि सिगां टाइगर श्राफआ क'क बथलाव माबा मोनसे बेसाद

गलायखुमादोंमोन। जेब्ला अक्षय कुमारआ गेलेमु गेलेनो थाखाय बे जायगायाव सौफेदोंमोन, अब्ला टाइगर श्राफआ उनथिंजायनिफ्राय माबा मोनसे बेसादखौ खुबैदोंमोन, जायनि जाहोनाव बथलनि गासैबो ड्रिंका

अक्षय कुमारनि मोखाडाव नांलादोंमोन। बिनि उनाव अक्षय कुमारआबो बे ड्रिंकरखौ बयनिबो सायाव मिनिथावना रोखोमै सारहरदोंमोन। बड़े मिया छटे मिया सावथुना ईदनि फालिथायाव 10 एप्रिलाव रिलिज जागोन।

## 'सेतान' सावथुनआ अटिटिआव थाबैनो रिलिज जानो थांगासिनो



अजय देभगान आरो आर माधन स्टार 'सेतान' सावथुना 8 मार्चखालि सिनेमाहलफोराव रिलिज जादोंमोन। बे सावथुना सोलिफु बोसोरनि जाफुंसारनो हानाय सावथुनफोरनि गेजेराव मोनसे। 'सेतान' सावथुननि क्रेजआ दासिमबो सुबुंफोरनि गेजेराव सोलिगासिनो दड। आथिखालाव बे सावथुना थाबैनो अटिटिआव रिलिज जानो थांगासिनो दड। रिपर्टफोरनि बायदिल्ला, सिनेमाहलफोराव रिलिज खालामखानायनि उनाव सावथुन बानायगिरिफोर सावथुनखौ अटिटि प्लेटफर्मआवबो रिलिज खालामो। बेबादि, थासारियाव सेतान सावथुना मे दानाव नै दान आबु जागोन।

बेनि गेजेराव बेबादि खोंनो मोजना जादोंदि, सेतान सावथुनखौ 3 मेआव नेटफिल्मसआव रिलिज खालामनाय जागोन। नाथाय बेखौ दासिमबो मावख 'आरि महरै फोसावनाय जायाखै। मख'नो गोनादि, 'सेतान' सावथुनखौ अजय देभगान, ज्यति देशपांडे, कुमार मंगल पाठक आरो अभिषेक पाठकआ दिहुदों। बे सावथुनाव फावखुंमि ज्यतिकया अजय देभगाननि बिसिनि फाव खालामदों आरो आर माधनआ सासे दुथानि फाव खालामदों। सावथुना दासिमाव 138.77 कौटि रंनि फालांगि खालामबाय।

गोबां समावनो बलिउडनि फावखुंमि ऋतिक रशन आरो बिथानि आगुनि बिसि सुजेन खानखौ जयै नुनो मोजना जायो। फाथैलाइ बिसिनायनि उनावबो बिसोर सानैनि गेजेराव मोजां लोगोआरि सोमोन्दो दड। आथिखालाव ऋतिक रशननि आगुनि बिसि सुजेन खान आरो गार्लफ्रेंड सबा आजादनि सावगारिया सशेल मिडियाआव बाइरेल जागासिनो दड। गुबैयै बावैसो सिगां ऋतिक रशन आरो बिथानि आगुनि बिसि सुजेन खानआ गोवसोरनि देरसिन फिसाज्ला रिहान रशननि 18थि जोनोम सानखौ फालिदोंमोन।

## सुजेन खान आरो सबा आजादनि गेजेराव मोजां लोगोआरि सोमोन्दोरखौ नुनो मोन्दों

गोबां समावनो बलिउडनि फावखुंमि ऋतिक रशन आरो बिथानि आगुनि बिसि सुजेन खानखौ जयै नुनो मोजना जायो। फाथैलाइ बिसिनायनि उनावबो बिसोर सानैनि गेजेराव मोजां लोगोआरि सोमोन्दो दड। आथिखालाव ऋतिक रशननि आगुनि बिसि सुजेन खान आरो गार्लफ्रेंड सबा आजादनि सावगारिया सशेल मिडियाआव बाइरेल जागासिनो दड। गुबैयै बावैसो सिगां ऋतिक रशन आरो बिथानि आगुनि बिसि सुजेन खानआ गोवसोरनि देरसिन फिसाज्ला रिहान रशननि 18थि जोनोम सानखौ फालिदोंमोन।



बे जर'खा फालिथायाव सबा आजादआबो बाहागो लादोंमोन। सुजेन खानआ गावनि इन्सटयाव रिहान रशननि जोनोम सान



फालिनायनि माखासे सावगारिफोर शेयार खालामदों। बेफोरनि गेजेराव मोनसे सावगारिया गोबां सुबुंफोरनि

गोसोखौ बोनो हदों। बे सावगारियाव सुजेन खान आरो सबा आजादखौ गोबालायनाय नुनो मोन्दों। सुजेन खानआ बे

सावगारिखौ शेयार खालामनानै केफानआव लिरदोंदि, गासैबो अन्नय आरो मोजां मोजनायनि साबायख'र डालिग सबा। 'मख'नो गोनादि, सुजेन खानआ गावनि बारग' फिसाय ऋतिक रशननि गार्लफ्रेंड सबा आजादखौ अन्नानै डालिग बुडो। सुजेन खाननि बेपस्टखौ सबा आजादआ गावनि एकाउन्टआव रिपस्ट खालामनानै केफानआव लिरदोंदि, दासिमनि बयनिखुइ सावसिन बुब्लिनि थाखाय सुजाननिमिस साबायख'र' बिसोर सानैनिबो पस्टनिफ्राय बेखौ रोखायै नुनो मोनोदि, बिसोरनि गेजेराव जोबोद मोजां लोगोआरि सोमोन्दो दड।

# चीनआ अरुनाचल प्रदेशनि मोन 30 गोदान जायगाफोरनि मुं फोसावदों

बेइजिं, 1 एप्रिल : चीनआ फिन खनसेबाव गावनि गनायजाथावै आखुखौ दिन्थिदों। अरुनाचल प्रदेशनि माखासे जायगाफोरनि मुंखौ चीनआ सोलायना होदों। राइज्योनि गुबुन गुबुन जायगाफोरनि मोन 30 गोदान मुंफोरनि ब्रैथि फारिलाइखौ चीनआ फोसावदों। नाथाय भारतआ अरुनाचल प्रदेशनि जायगाफोरनि मुं सोलायनाय बाथ्राफोरखौ नेवसिगारदों।



भारतआ बुंदोंदि, अरुनाचल प्रदेशआ हादतनि एंगारहायै बाहागो आरो बेनि मुंखौ सोलायनायजों बे नंगुबै एबा सैथोया सोलायनाय नडा। चीननि ग्लबेल टाइम्सआ मोनसे रिपर्टआव फोरमायदोंदि, चीननि नोगोरारि केसनि मावख'या मावख'यारि वेबसाइटआव फोसावदोंदि, अरुनाचल प्रदेशनि मोन 30 जायगाफोरनि मुंखौ सोलायना होनाय जादों।

बे बिथोनआ 1 मुंनिफ्राय गोहोम गोनां जागोन आरो आर्टिकेल 13 आव बिनि नेम-खान्थिफोरखौ सोफाना होनाय जादों। बेयाव बुंवावनाय जादोंदि, चीननि ओन्सोलारि दाबि दैखानाय आरो गुदि मोन्थाइफोरखौ ख'हा खालामग्रा गुबुन हादतयारि रावजों दोनजानाय मुंफोरखौ अट'रिटिनि बिथोन गैयाजासे थोंजोडै सोलायनाय एबा बोस्लायनाय

जानाय नडा। मख'जाथावदि, चीनआ अरुनाचल प्रदेशखौ गावनि होना दाबि दैखाडो आरो बेखौ जांगनान होनानै बुडो। लोगोसेनै अरुनाचल प्रदेशखौ तिब्बतनि ओन्सोल एबा बाहागो होनाबो बुडो। मख'जाथावदि, सिगाडवबो चीननि नोगोरारि केसफोरनि मावख'या अरुनाचल प्रदेशनि मोन 6 जायगाफोरनि मुं सोलायनायनि गिबिसिन फारिलाइखौ 2017 आव

फोसावदोंमोन। बेनि उनाव मोन 15 जायगाफोरनि मुं सोलायनाय नैथि फारिलाइखौ 2021 आव फोसावदों। बेनिफ्राय 3 थि फारिलाइखौ 2023 आव फोसावनानै मोन 11 जायगाफोरनि मुंखौ सोलायदोंमोन आरो बे खेबआव ब्रैथि फारिलाइ फोसावनानै मोन 30 जायगाफोरनि गोदान मुं होदों।

# इज्राइल आरो हामासआ काहिराआव दावहा दोन्थ 'नायनि बाथा सावरायदों

काहिरा, 1 एप्रिल : मिश्रनि राजथावनि काहिरायाव गाजानि सोलिबाय थानाय दावहाखौ दोन्थ 'नायनि बागै इज्राइल आरो हामासनि गेजेराव सावरायनाय जादों। नाथाय गाजापट्टियाव इज्राइल सान्थिनि गोखों गाग्लोबनाया सोलिगासिनो थारदों। इज्राइलनि गाग्लोबनायाव रबिबारखालि गोबां फिलिस्तानीफोरनि जिउ गोमानायनि खौरां मोन्नाय जादों। थैनायफोरनि गेजेराव



हामासनि साब्रै गागि दैदेनगिरिफोरबो दंफायो होना मिबथिनो मोन्दों। इज्राइल सान्थिनाय बिसेरखौ गाजा सिटिनि अलशिफा देहा फाहामसालियाव गाग्लोबनायाव जिउ फोजोबनो हादों। फाहामसालिनि बाउन्डरियाव आरो बेनि खाथि-खाला जायगाफोरावबो दावहाया सोलिगासिनो दड। थानाय बोसोरनि 7 अक्टबरनिफ्राय सोलिबोबाय थानाय दावहायाव इज्राइलनि गाग्लोबनायजों सा 33 रोजा फिलिस्तानीफोर जिउ गोमानांबाय। मिश्र आरो काटरनि गेजेरनि जानानै दैदेनाय बे जथुमायाव सा 40 इज्राइलनि बेंखनआव लांजानायफोरखौ हगारनायनि बदलै फिलिस्तानी

कै दिफोरखौ हगारनायनि अन्जिमाखौ दासिमबो थि खालामनाय जायाखै। गनायना लानाय जादोंदि, हामासनि बेंखनआव दासिमबो सा 130 इज्राइलनि सुबुंफोर दड, जायखौ उदां खालामनायनि थाखाय रादाय खालामनायनि बाथा सोलिगासिनो दड। बेनि सिगां 24 नभेम्बर 2023 आव गाजायाव 1 सप्ताह दावहा दोन्थ 'नाय जादोंमोन। बे समाव सा 105 इज्राइलनि आरो गुबुन हादतनि नोगोरारिफोरखौ हगारनाय जादोंमोन। गाजा सिटिनि अलशिफा फाहामसालिनि अनगायै नैथि देरसिन सहर कान इउन्सिआवबो गने फाहामसालिफोरखौ इज्राइल सान्थिनाय बेंखनानै लादों।

बैयाव हामास आरो इस्लामिक जिहादिनि दावहारफोरनि रकेट आरो मर्टर गाग्लोबनायनि फिन्नायखौ इज्राइल सान्थिनाय टंकफोरजों होदों। गेजेर गाजानि अल मेघाजियाव इज्राइलनि उरांजों गाग्लोबनायाव साब्रै सुबुंफोरनि जिउ गोमादों होना खौरां मोन्नाय जादों। बेनि साखाथियावनो थानाय अल बलाह' सहराव इज्राइलनि बमा होगलुंनायाव साब्रै सुबुंफोरनि जिउ गोमायो आरो गोबां जोखोम जायो। गाजानि सहरफोराव इज्राइल सान्थिफोरा बेंखनानै लानायजों बैयाव जाग्रा मुवा जगायनायाव गोबां जेना जानादों। इउएनआ गाजायाव उखैहाबनायनि जेना नुजाथिगोन होना आसा खालामदों। खौरांनि

बायदिब्ला पप फ्रान्सिसआ रबिबार खालि गावनि इस्टर सान्ठेनि बिबुंथियाव इज्राइल आरो हामासनि दावहाखौ दोन्थ 'नो खालायदों। भेटिकाननि सेन्ट फिटार स्कुइयारआव बिथाड रोजा रोजा सुबुंफोरजों बिबुंथि लाखिनानै बे दावहाखौ गनायजाथावै होना बुडो। लोगोसेनो बिथाड इउरप आरो गेजेर सान्जानि जेनाफोरखौबो रायखाडो। इज्राइल-हामास दावहाखौ थाबैनो दोन्थ 'नो खालायनायजों लोगोसे गाजासिम सुबुंथिनि मदत जगायनायखौ रोखा खालामनो आरो बेंखनआव लाजानाय सुबुंफोरखौ थाबैनो हगारनो थाखायबो बिथाडा खालायो।

## बलुचिस्तानआव सिनायमोनै हाथियार दैगाफोरनि गाग्लोबनायाव सानै सान्थिनि जिउ ख'हा आरो साब्रै जोखोम



कराचि, 1 एप्रिल : पाकिस्ताननि दिदोमथि गैथै बलुचिस्तान राइज्योआव जाहाज गाथोन सहर ग्वादरनि साखाथियाव सिनायमोनै हाथियार दैनाय सुबुंफोरा पाकिस्तान सान्थिनि बमा होबथाग्रा हान्जायि सायाव थांखि गैथै गुलि गावदों, जेराव सानै पाकिस्तान सान्थिनि जिउ गोमायो आरो गुबुन साब्रैया

जोखोम जायो। डन खौरां बिलाडिनि बायदिब्ला, पाकिस्तान सान्थिनि बमा होबथाग्रा हान्जाया ग्वादर जिल्लानि अंकारा बान्दो ओन्सोलाव बारुद एबा बमा गोनां सुरंग 'फोरखौ बोस्लानायाव नांथाबदोंमोन। बे समावनो सिनायमोनै हाथियार दैनाय सुबुंफोरा रबिबारखालि बिसेरनि सायाव गुलि गावयो। ग्वादरनि

एसएसपि महसिन जहेबआ फोरमायदोंदि, बे गुलि गावनाय जाथाया ग्वादरनिफ्राय 25 किल 'मिटर गोजानाय जादों। बेयाव जोखोम जानाय सुबुंफोरखौ साखाथिनि देहा फाहामसालियाव थिसन्नानै फाहामथाइ होनाय जायो। रैखाथि हान्जाफोरा गाग्लोबनाफोरखौ संदानो थाखाय ओन्सोलनाडै सिग्रोमनाय हाबाफारि जागयदों। अदेबानि दासिमाव रावबो हान्जायानो बे गाग्लोबनायनि बिबानखौ लायाखै। मख'जाथावदि, अलगावबादि बलुचिस्तान लिबारेसन आर्मि (बिएलए) आनो सिगां समाव ग्वादरआव जानाय गाग्लोबनायनि बांसिन

बिबांखौ गनायथिदों। बिएलएआ बलुचिस्तानआव चीननि इन्भेस्ट खालामहैनायखौ गोखोडै अजद होदों। बिसेरो चीन आरो पाकिस्ताननि सायाव इन्भेस्टमेन्ट हाबाफारिया गसै ओन्सोलखौनो सोबख 'गोन होना दाय जाबसिन्दों। नाथाय बे दाय जाबसिन्नायखौ बिबानगिरिफोरा नेवसिगारो। थानाय 24 मार्चखालि जाहाज गाथोन अट 'रिटिनि बाउन्डरियाव गाग्लोबनायनि बिबानखौबो बिएलएआ लादोंमोन। बे समाव पाकिस्तान रैखाथि हान्जाजों गुलि गाक्लायनायाव होबथाजानाय अलगावबादि हान्जानि सा 8 उतरिफोरखौ जिउ फोजोबनो हादों।

## इज्राइलआ गाजानि गाहाइ देहा फाहामसालिनिफ्राय रैनियाफोरखौ बोस्वारफिनबाय

हामास, 1 एप्रिल: इज्राइल आरो हामासनि गेजेराव दावहाया सोलिगासिनो दं। बे समावनो इज्राइलनि रैनियाफोरा सप्ताहने गाग्लोबनायनि उनाव गाजानि गाहाइ देहा फाहामसालिनिफ्राय गावसिनि रैनियाफोरखौ बोखारफिनबाय। रैनियाफोरखौ बोखारफिन्नायनि उनाव सिलिंखार जानायनि नेसॉनफोरखौ नुनो मोन्दों। पिलिस्टाइनआव थाग्रा नोगोरारिफोरा बेनि सोमोन्दै फोरमायथि होदों। इज्राइलनि रैनियाफोरखौ बोखारनायनि उनाव समबरनि फुडव रोजा-रोजा सुबुंफोरा शिफा देहा फाहामसालि आरो खाथि खालानि ओन्सोलफोराव फेफिन्दों, जेराव बिथांमोना देहा फाहामसालिनि सिडव आरो



नुथायखौ आबुडैसिलिंखार जादों होना फोरमायदों। बिथाड बुंदोंदि, गोबां बिलडिंफोर अर सावना होदों। बिसेरो ओन्सोलाव सा 6 गोथै सह 'फोरखौ नुनो मोन्दोंमोन। गोथै सह 'फोरनि गेजेराव सानैआ देहा फाहामसालिनि लांगोनायाव गोमलैना दंमोन। गुबुन सासे थागिबि, याहिया अबु औफआ बुंदोंदि, देहा फाहामसालियाव बेरामिफोर, फाहामथाय मावफारियाफोरजों लोगोसे बिथा गोमा जानाय सुबुंफोरबो दंफयोमोन। बिथाड बुंदोंदि, गोबां बेरामिफोरखौ खाथिनि अहली देहा फाहामसालियाव लांनाय जादों। रैनिया हान्जानि कुलदजारफोरा देहा फाहामसालिनि लांगोना सिडव मोनसे अरायथा नडि गोथैसालिखौ सिफायदों।

## इज्राइलाव सुबुंफोरा गाहाइ मन्थि नेतन्याहुनि बेरेखायै लामायाव ओंखारबोदों

जेरुसालेम, 1 एप्रिल: इज्राइल आरो हामासनि गेजेराव सोलिबाय थानाय दावहानि गेजेराव गाहाय मन्थि बेन्जामिन नेतन्याहुखौ गावनि हादरावनो बेंखनजानाय नुनो मोनो। थानाय अक्ट 'बराव हामासनि हेंथायै दावहा जागायजेन्नायनि उनाव बयनिखुडबो देरसिन सरकारनि बेरेखा दिन्थिफुं'नायफोराव रबिबारआव जेरुसालेमाव पार्लियामेन्ट बिलडिंनि बायजोआव रोजा-रोजा इज्राइलनि सुबुंफोरा ज' जादोंमोन। सोमावसारगिरिफोरा सरकारखौ गाजायाव गोबां हामासनि हमजानायफोरखौ उदां खालामनो आरो थाबैनो बिसायख'थि खुंनो थाखाय मोनसे गोरबथायाव सौहैनो



खावलायदों। नोजोर होथावनादि, 6 दानसोनफ्राय सोलिबाय थानाय दावहाखौ लानानै इज्राइलनि समाजावबो गोरबलायै नुजानो हमदों। थानाय बोसोरनि 7 अक्ट 'बराव हामासनि उदखारिफोरा सिमा बारनानै गाग्लोबदोंमोन। बे उदखारि गाग्लोबनायाव सा

नेतन्याहुआ हामासखौ फोजोबखानो आरो गासैबो हमजानायफोरखौ हगारफिन्नो समायखिरा लादों। बबेखानि बिसेरनि थांखिखौ जाफुंनाय नुनो मोनाखै। हामासआ दावहायाव गोबां खहा जादों नाथाय बेयो जोबाखै मानोना हमजानायफोरनि नख 'फोरा सम जोबलानायखौ हमदोंनो हादों। जेरुसालेमाव पार्लियामेन्ट बिलडिंनि बायजोआव ज' जानाय सासे सोमावसारगिरि इनभ म'जेसआ बुडोदि, 6 दाननि उनाव सरकार बुजिनो हाबायदि, नेतन्याहुआ मोनसे हेंथा जानानै दं। मख 'नो गोनांदि, बिबो थारैनो बिसेरखौ लाबोफिन्नो लुबैया आरो बे थांखियाव फेलें जादों।

1,200 सुबुंफोरा बुथारजादोंमोन आरो सा 250 सुबुंफोरखौ खानाय जादोंमोन। नभेम्बराव सप्ताहसे दावहा दोन्थ 'नायनि समाव हमजानायफोरनि खावसेसोखौ उदां खालामनाय जादोंमोन। उदखारि गाग्लोबनायनि उनाव इज्राइलनि गाहाइ मन्थि बेन्जामिन

## सरकारआ पि एस एडुआ शेयार फान्डआव 16,500 कौटि रां आरजिनो हादों

गोदान दिल्ली, 1 एप्रिल : भारत सरकार रांखाथि बोसोर 2023-24 आव गसै 10 पिएसइउ कम्पनीफोराव बांसिन बाहागो एबा शेयार फान्दानै 16,500 कौटि रां आरजिनो हादों। बे खौरांखौ मावख 'यारि डेटानिफ्राय मिबथिनो मोन्दों। रिपर्टआव फोरमायनाय जादोंदि,

भारतआव सरासन्धा बिसायख'थि 2024 नि गिवि खोलोबा 19 एप्रिलनिफ्राय जागायगोन। बेनि जाहोनाव मिरु सरकार आथिखालाव गावनि प्राइभेटाइजेरानि थांखिखौ दोन्थ 'दों। सिगांनि रांखाथि बोसोर एबा 2022-23 आव सरकार जायखिजाया गिदिर सरकारि कम्पनीफोरखौ डिस्इन्भेस्ट



## पाकिस्तानाव दै बानानि जाहोनाव सा 10 सुबुंफोरनि जिउ ख'हा

पाकिस्तान, 1 एप्रिल : पाकिस्ताननि गोबां ओन्सोलफोराव अखा हाबाय थानायनि जाहोनाव दै बानानि थासारि सोमजिदों। पिडिएमएआ रबिबारव फोरमायदोंदि, थानाय सानैयाव खैबर पख्तुनख्वा ओन्सोलाव गोबां अखा हाबाय थानायनि जाहोनाव सा 10 सुबुंफोरनि जिउ ख'हा जादों आरो सा 12 सुबुंफोरा जोखोम

जादों। पिडिएमएनि बुंथिगिरि आनवार शाहजादआ थैनायफोरखौ रोखा खालामनानै फोरमायदोंदि, थैनायफोरनि गेजेराव सा 8 गथ 'फोर आरो सा 2 आइजोफोर दंमोन। बबेखानि जोखोम जानायफोरनि गेजेराव सा 9 गथ 'साफोर, सानै आइजो आरो सासे हौवा दं। आनवार शाहजादआ फोरमायदोंदि, शनिबारनि



मोनासिमाव मोन्नाय रिपर्टनि बायदिब्ला, केपि ओन्सोलाव

अखा आरो सारअन्थाइ गावनायनि जाहोनाव गं 27

न'फोर ख'हा जादों। दानेशनि बायदिब्ला गोहोम गोमलैनाय ओन्सोलफोराव रिलिफ अपारेशनआ सोलिगासिनो दं। हरबन महकुमानि मासिगिरि असदुल्ला कुरेशीआ खौरां बिजोंजों रायज्जालानायाव बुंदोंदि, गोबां अखा हानानै हरखाबै दै बाना जानायनि जाहोनाव मा 19 मोसौफोरनि जिउ ख'हा जादों।

खेब जेराव सरकार गावनि डिस्इन्भेस्टमेन्टनि थांखिखौ फुरा खालामनो हायाखै। थानाय 10 बोसोरनि खुंथायाव मदि सरकार खेबनैल 'गावनि डिस्इन्भेस्टनि थांखिखौ फुरा खालामनो हादों। जोबथा खेब सरकारा 2019 आव डिस्इन्भेस्टमेन्टनि थांखिसिम सौहैनो हादोंमोन। रिपर्टआव फोरमायदोंदि, बेनि जाहोनाव सरकारनिफ्राय सोलिफु रांखाथि बोसोरनि थाखाय

डिस्इन्भेस्टमेन्टनि जेबो थांखि लानाय जायाखै। सरकारि कम्पनिफोरा थानाय रांखाथि बोसोरफोराव रेकर्ड थिसनजानाय मुलाम्फा खालामदोंमोन। बेनि मुलाम्फाखौ सरकार लाम्भास महरे मोन्दों। सरकारि डेटानि बायदिब्ला रांखाथि बोसोर 2023-24 आव पिएसइउनिफ्राय सरकार रेकर्ड महराव 63,000 कौटि रानि डिभिडेन्ट मोन्दों।

## दिल्लीनि हान्जाया गोरोन्थि खालामनायनि जाउनाव पन्तआ 12 लाख रंजुरिमाना फोनांजोदों

गोदान दिल्ली, 1 एप्रिल: दिल्ली केपिटल्सनि केप्टेन ऋषभ पन्तआ आईपिएलआव 12 लाख रंजुरिमाना फोनांजोदों। दिल्ली केपिटल्सनि केप्टेन सायाव आईपिएलनि नेमखाश्चिखौ सिफायनायनि जाउनाव जुरिमाना फोनांजोदों। दिल्लीनि हान्जाया भिशाखापटनामआव बादायनाय बे मेचआव गिबियै देरहादों। नाथाय चेन्नाइ सुपार किंसनि हँथायै गिदिर गोरोन्थि खालामनाय। दिल्ली हान्जाया सिएसकेनि हँथायाव गोहैलोयै बलिं खालामनायनि जाउनाव पन्तनि सायाव 12 लाख रंजुरिमाना फोनांजोदों। पन्तआ सोलिफु आईपिएलआव नैथि ओरैबायदि गेलेगिरि जाबाय, जाय केप्टेन महैर आईपिएलनि नेमखाश्चिखौ सिफायनायनि



जाउनाव जुरिमाना फोनांजोदों। बेनि सिगां गुजरात टाइटान्सनि केप्टेन शुभमन गिलआ जुरिमाना फोनांजोदोंमोन। डिंसि आरौ सिएसकेनि गेजेराव बादायनाय मेचआ सोलिफु आईपिएलनि 13थि मेचमोन। बे मेचआवनो दिल्लीआ टुर्नामेन्टआव देरहानाय थिसन्दोब्ला सिएसकेआ गिबियै जेन्नादोंमोन। सिएसके आ नख'रारि फोथारनिफ्राय

जान्थायाव गिबि मेच गेलेनायाव मिजिंथिनि बायजोआव दिन्थिफुदों। कलकाता नाइट राइडर्स आ सोलिफु आईपिएलआव मोनसेल' ओरैबायदि हान्जा जानाई दड', जाय नख'रारि फोथारनि बायजोआव देरहानाय थिसन्दों। के के आरआ आरसिबिखौ बिसोरनि नख'रारि फोथार एम चिन्नाश्वामी स्टेडियामाव

फेजेन्दोंमोन। पन्त आरौ गिलनि सायाव 12 लाख रंजुरिमाना फोनांजोदों। बेनि सिगां गुजरात टाइटान्सनि केप्टेन शुभमन गिलआ जुरिमाना फोनांजोदोंमोन। डिंसि आरौ सिएसकेनि गेजेराव बादायनाय मेचआ सोलिफु आईपिएलनि 13थि मेचमोन। बे मेचआवनो दिल्लीआ टुर्नामेन्टआव देरहानाय थिसन्दोब्ला सिएसकेआ गिबियै जेन्नादोंमोन। सिएसके आ नख'रारि फोथारनिफ्राय

## पेरा गेलेगिरिखौ बुथारनाय केसआव सानै सुबुंडा हमजादों



गोदान दिल्ली, 1 एप्रिल: झारखान्डनि हजारीबाग जिल्लानिफ्राय जामशेदपुरनि पेरा बेडमिन्टन गेलेगिरिखौ बुथारनायनि दायआव सासे आइजोचों लोगोसे सानै सुबुंडो खानाय जादों। सासे गागि पुलसि मावख'गिरिआ फोरमायनाय बायदिब्ला, पुलसि हान्जाया हजारीबाग पुलसि बिफाननि मदतजों प्रशान्त कुमार सिंहानि सेवलांनाय गोथै देहाखौ बोखानो मोन्दों, जेराव बिथाड थांनाय 20 साननिफ्रायनो गोमानानै दडमोन। पुलसि बिबानगिरि किशर कौशलआ

खौरगिरि मेलआव फोरमायनाय बादिब्ला, सिंहानि गोथै सह'खौ हजारीबागनि सादवा दालां सिनिफ्राय प्लास्टिक थपलायाव खाथुमनाय थासारियाव बोखानायनि उनाव दायनिगिरि काजल सुमन (28) आरौ बिनि लोगो रौनक कुमार (19) खौ हमनो मोनायखौ फोरमायो। बिसोर सानै दायनिगिरिफोर हजारीबागनि थागिबिमोन। पुलसिआ फोरमायनाय बायदिब्ला बुथारनायनि आन्दोआव सिंहा आरौ काजलनि गेजेराव रंआरि जेनानि सायाव नांलायनाय जादोंमोन होन्ना

मिथिनो मोन्दों। काजलआ रौनकजों फाव फान्दायनानै सानैसोनि सिगां हजारीबागनि हसमिया महल्लायवाव रौनकनि मोसौ बाखियाव गोदोना सेरथेनानै बुथार होदोंमोन। एसएसपिआ बुदोंमोनदि, पुलसि टेकन'लजि सेलनि हेफाजाबजों बुथुमनाय फोरनजों लोगोसे नायबिजिरा हान्जाया होनाय मोनसे आन्दोआरि इनपुटनि सायाव बिथा खालामनाय, काजल आरौ रौनकखौ खानाय जादोंमोन। सासे पुलसिआ मावख'गिरिआ बुदोंदि, गोथै सह'खौ पस्टमेटमनि थाखाय हजारीबाग सदर देहा फाहामसालियाव दैथाइ हसनाय जादों आरौ नायबिजिरनाया सोलिगासिनो दड। सिन्हाया गोबां समफोरव हायंआरि थाखोआव झारखान्डनि जानानै गेलेदोंमोन आरौ थांनाय बोसोराव इडगान्दायाव खुंजानाय पेरा-बेडमिन्टन चैम्पियसिपआवबो भारतनि जानानै गेलेदोंमोन।

गोदान दिल्ली, 1 एप्रिल: भारतनि टेनिस स्टार रहन बपन्नाया मियामी अपेन 2024 आव हौवाफोरनि जावजा बिमुं देरहाना जारिमिन सोरजिदों। बपन्नाया 44 बोसोर बैसोआव एटिपि मास्टर्स-1000 बिमुं देरहानो हानाय बयनिखुइ बैसोगोरसिन गेलेगिरि जानो हाबाय। बिथाड गावनि रेकर्डखौ सिफायदों, जेराव बिथाड थांनाय बोसोराव इन्डियान वेल्सनि बिमुं देरहादोंमोन। एटिपि मास्टर्स 1000 नि फाइनलाव बपन्ना आरौ बिथानि अस्ट्रेलियानि लोगो मैथ्यु एबडेनआ क्राशियानि इभान डडिक आरौ आमरे कानि अस्टिन क्राजिसेकखौ फेजेन्दों। बिमुं

## ऋषभ पन्तनि केप्टेनआ दिल्ली केपिटलआ जारिमिन सोरजिदों

गोदान दिल्ली, 1 एप्रिल: दिल्ली केपिटल्सनि हान्जाया आईपिएल 2024 आव लान्थियै खेबनै जेनायनि उनाव देरहानाय थिसन्दों। भिशाखापटनामनि फोथाराव चेन्नाइ सुपार किंसनि हँथायै गेलेनाय मेचआव दिल्लीनि हान्जाया गोखोडे दिन्थिफुनानै देरहानाय थिसन्दों। बे देरहानायजोंनो दिल्लीनि हान्जाया मोनसे गिदिर रेकर्डबो थिसन्दों। जाय रेकर्डखौ दिल्लीनि हान्जाया माब्लाबाबो सिएसकेनि हँथायै थिसन्नो हायाखेमोन। पन्तनि केप्टेनआव डिंसिनि हान्जाया सिएसकेनि हँथायै 20 रानआव देरहादों, जेराव आईपिएलआव सिएसकेनि हँथायै बेयो डिंसिनि 11 थि खेब देरहानाय। बेनि सिगां मुम्बाइ इन्डियान्स, राजस्थान रयलर्स आरौ पान्जाब किंसआ वेबादि देरहानाय थिसनबाय। पन्तआ बे मेचआव टसआव देरहानानै गिबियै बेटि खालामजेन्दोंमोन। दिल्लीनि हान्जाया गिबि बेटि खालामनानै 20 अभासआव 5 उडकेट खोमानानानै 191 रान लादों। बे समाव दिल्लीनिफ्राय पृथ्वी श' आरौ देभिड वानारसआ



मोजाडै दिन्थिफुदों। वानारसआ हान्जानि जानानै 52 आरौ श'आ 43 रान लादों। बेनि उनाव पन्तआ 51 राननि इनिंस गेलेदों। बेनि फिन्नायाव सिएसकेनि हान्जाया 171 रानल' लानो हायो। सिएसकेनि थाखाय बे समाव अजिंक्य राहणेआ 43 रान लादों, जेराव एम धनीआ 37 राननि इनिंस गेलेदों।

## रायबाकिनाखौ फेजेन्नानै कलिन्सआ मियामी अपेननि बिमुं देरहाबाय



मियामी, 1 एप्रिल: 30 बोसोर बैसोनि मुंदांखा टेनिस गेलेगिरि कलिन्सआ जोबथा खेब टुर्नामेन्ट गेलेनाय महैर मोजाडै दिन्थिफुनो हादों। बिथाड मियामी अपेन टेनिस टुर्नामेन्टआव वर्ल्ड रँकिंगआव 4थि नम्बरवाव जायगा मोन्नाय एलेना रायबाकिनाखौ 7-5, 6-3 स्क्रवाव फेजेन्नानै नखरारि फोथारावनो आइजो सिंगेल्सनि बिमुं

देरहाबाय। 30 बोसोर बैसोनि कलिन्सआ जोबथा खेब बे टुर्नामेन्टआव बाहागो लादों, मानोना बेनि सिगाडवनो बिथाड गावनि आजिरा लानाय सम सिमनाखौ फोसावखादों। मानोना बिथाड एन्डमेट्रियसिस मुनि मोनसे बेरामनि जेनायाव गोलैनाय दड। स्टेडियामाव आन्डे अगासि आरौ माटिना नभरटिलबानि बाहागो जानायनि गेजेरावनो वर्ल्ड रँकिंगआव 59थि नम्बरवाव जायगा मोन्नाय कलिन्सआ गावनि बेकहेन्डजों क्रासकट उडनार लागायनायनि उनाव 10 सेकेण्डसिम कटआव उन्दुना थादों। कलिन्सआ देरहानायनि उनाव बिमुंनि थाखाय गावनि गोब्राव नाजानायखौ फोरमायदों लोगोसे बे समाव बेरेखा बादायारिनिफ्राय गोखौ लेसेन्स मोन्नायखौ फोरमायदों। मख'नो गोनादि, कलिन्सनि केरियारआव बे जाफुसारनाया केरियारनि 3थि आरौ मास्टर्स 1000 लेभेलनि गिबि बिमुं देरहानाय बेनि सिगां सेन जसआव 2021 बिथाड चैम्पियन जादोंमोन।

## भारतीय फुटबलनि फोथाराव फिन दागो नादों

गोदान दिल्ली, 1 एप्रिल: भारतीय फुटबल फोथारनिफ्राय फिन खेबसेबाव गात्रि खैराड सोराडाव फैंदों। खौरानि बायदिब्ला, एआइएफएफ वार्कि कमिटीनि सासे सोद्रोमा आरौ सानै आइजो फुटबलारफोरनि गेजेराव जालांनाय दाडबाजिआ गात्रिसिन महर लादों। मानोना जेनायाव गोलैनाय बिसोर सानै फुटबलारफोर गावसोरनि सायाव खालामनाय देहायारि साजानि सायाव अजद दैखादों। हिमाचल प्रदेशनि सानै फुटबलारफोर कमिटीनि सोद्रोमा दिपक शर्मानि हँथायै गावसोरनि सायाव गाग्लोबनाय आरौ जेनायाव खोखैनायनि अजद दिखादों, जायनि जाउनाव भारतीय आइजो फुटबलारफोरनि गेजेराव फिन दुंहाव थासारि सोमजिदों। बेबादि जाथायाव गंसे हटेलाव मोनानि जामुं जाखानायनि उनाव जानानै थाडे। गेलेगिरिफोरा फोरमायनाय बायदिब्ला, मोनानि 10:30 रिगासोआव दिपक शर्माआ रगा जोंखानानै गावसोरखौ रायदोंमोन, जायनि सायाव



गेलेगिरिफोरा रगा जोंखानायव बिथाड रगाजों गावसोरनि रुमआव हाबबोदोंमोन। गेलेगिरिफोरा फोरमायनाय बायदिब्ला, रगाजों गावसोरनि गोरथै दर फानायनि जाउनाव दिपकआ फिन रगा जोंखानिफेदोंमोन। गेलेगिरिफोरा अजद होनाय बायदिब्ला शर्माआ रुमआव हाबनायनि उनाव गावसोरनि सायाव गाग्लोबदोंमोन, जायनि उनाव बिथानि लोगोआ बुनायखौ हमथाफेदोंमोन। गेलेगिरिफोरा फोरमायबावनाय बायदिब्ला शर्मानि बिसिआ बिथानि सायाव

रगा जोंखानेदोंमोन जाउनाव जिंगायाव गोलैनाय शर्माआ निना लानाय थासारियाव गावसोरनि सायाव गात्रि आखु दिन्थिदोंमोन, नाथाय गावनि सायाव जाबसिन्नाय बेफोर दायखौ नेवसिनानै दिपकआ गावनि सायाव खैसार सानानै आयदाखौ गुबुन महर होनो नाजानायनि अजद होनो दिखादों। बिथाड फोरमायनाय बायदिब्ला, गाव मोनानि 11:00 रिगासोआव दावदे लानानै गावनि रुम फासं थादोंमोन। बै समाव बिसोरनि दावराव जानायखौ खोनानानै

एसे रायदोंमोन, जेराव बै समाव गावनि बिसिआबो गावजोंनो दंफायोमोन। जायनि सायाव गावनिफ्राय ए आ इ ए फ ए फ जे' सावरायनायनि सोमोन्दैबो फोरमायदों। एआइएफएफनि आफादिगिरि कल्यान चौबेआ जाथाइनि सायाव गोथोयै नायबिजिरोननि खोथा होदों। लोगोसे आइजो गेलेगिरिफोरनि रैखाथिनि थाखाय गवा फुटबल एससिएसननिफ्राय पुलसिनि सायाव नायबिजिरनो बिबान होनायखौ फोरमायदों।

## बपन्नाया एटिपि मास्टर्स 1000 बिमुं देरहानाय बयनिखुइबो बैसोगोरसिन गेलेगिरि जाबाय



बादायलायनायाव इन्ड-अस्ट्रेलियानि जराया 6-7, 6-3, 10-16 जों देरहादों। बपन्नाया 6 थि खेबनि थाखाय एटिपि मास्टर्सनि बिमुं देरहादों। बपन्नाया गिबि खेब 2011 माइथायाव पाकिस्ताननि ऐसाम्प-उ-हक-कु रँशीजों देरहादोंमोन। बै समनिफ्राय बपन्नाया 2012 आव पेरिस, 2015 आव माड्रिड, 2017 आव मन्टे कार्ल आरौ 2023

आव इन्डियान वेल्स मास्टर्स देरहादों। एटिपि मास्टर्सखौ 2009 माइथायनिफ्राय एटिपि मास्टर्स 1000 टुर्नामेन्ट महैर मिथिनाय जायो आरौ बेयो मोनगु टेनिस टुर्नामेन्टनि मोनसे फारि एबा टुर्नामेन्ट। बेयो 1990 माइथायाव जागायजेन्दोंमोन। एटिपि मास्टर्स 1000 आ ग्रेन्ड स्लेमनि उनाव टेनिसनि गोजौ-थाखोनि टुर्नामेन्ट। ग्रेन्ड स्लेमनि उनाव बे टुर्नामेन्टआ टेनिस

रँकिंगआव बयनिखुइ बांसिन पइन्ट मोनो हायो, जेराव मोनसे ग्रेन्ड स्लेम देरहानाय 2000 पइन्ट आजियो आरौ मास्टर्स देरहानाय 1000 पइन्ट दाजाबदेरना होयो। रहन बपन्नाया सोलिफु बोसोरनि जानुवारियाव अस्ट्रेलियान अपेन बिमुं देरहादोंमोन। 43 बोसोर बैसोनि बपन्नाया गावनि अस्ट्रेलियानि लोगो मैथ्यु एबडेनजों लोगोसे बोसोरनि गिबि ग्रेन्ड स्लेमनि हौवाफोरनि जावजायाव चैम्पियन जादोंमोन। बेजों लोगोसे बपन्नाया गिबिसिन हौवाफोरनि जावजा ग्रेन्ड स्लेम बिमुं देरहादों आरौ अपेन एरायाव बेबायदि खालामनो हानाय बयनिखुइ बैसोगोरसिन गेलेगिरिबो जादोंमोन। रड लेभार एरिनायाव भारत-अस्ट्रेलियानि जराया

इटालीनि सिमन बलेली आरौ एन्डिया भावासरीखौ थोंजोडे सेटआव 7-6, 7-5 जों फेजेन्दोंमोन। फ्राय 1 खावसे घन्टासिम सोलिनयाव जोबथा मेचआव बपन्ना-एबडेननि जराया गोहोम खोखैबाय थादों, जेराव बेयो बपन्नानि नैथि ग्रेन्ड स्लेम बिमुंमोन। अस्ट्रेलियान अपेन 2024 आ रहन बपन्नानि नैथि ग्रेन्ड स्लेम बिमुंमोन। बेनि सिगां 2017 माइथायाव बिथाड कानाडानि गेब्रिएला डब्राभास्कीजों फ्रेन्स अपेनआव जावजा बिमुं देरहादोंमोन। बिथाड 2010 माइथायाव पाकिस्ताननि ऐसाम-उल-हक कुरेशजों आरौ 2023 माइथायाव एबडेनजों हौवाफोरनि जावजायाव इउएस अपेनआव खेबनै रानार-अप जादोंमोन।

## हार्दिक-टेटेआ बोसोरनि साबसिन गेलेगिरि बान्थाखौ आज्ञावबाय

गोदान दिल्ली, 1 एप्रिल: भारतीय हौवा हकि हान्जानि लेडाइ केप्टेन आरौ मिट पिल्लार हार्दिक सिंआ हकि इन्डियानिफ्राय होनाय बान्थानि हाबाफारियाव माखासे बान्था देरहादों। जेराव बिथाड पिआर श्रीजस, हर्मनप्रिट सिंह आरौ मनप्रिट सिंहखौ गाख्लायनानै बोसोरनि साबसिन हौवाफोरनि हकि गेलेगिरिनि बान्थाखौ आज्ञावबाय। आइजोफोरनि केटेगरियाव बे बान्थाखौ सल्लिमा टेटेआ देरहादों। हार्दिक आरौ सल्लिमनो बलबिर सिं बान्थाखौ गथायनाय जाबाय। लोगोसे बिथानोना 25-25 लाख रं आज्ञावबाय। बेनि अनगायैबो हार्दिकआ बोसोरनि साबसिन मिट पिल्लार महैर अजित पाल सिंह बान्था देरहाबाय, जायनि थाखाय बिथाड 5 लाख रं बान्था आज्ञावदों। भारतआरि हकि हान्जानि केप्टेन हर्मनप्रिट सिंआ साबसिन डिफेन्डर महैर पराट सिंह बान्थाजों मान होजादों। जायनि थाखाय बिथाड 5 लाख रं मोन्दों। बे समाव गलकिपार पिआर श्रीजसआ बोसोरनि साबसिन गलकिपार सायख'जादों। बेनि थाखाय बिथाड बलजिट सिंह बोसोरनि गलकिपार बान्थाजों मान होजादों। श्रीजसआ बे फारियाव आइजो हान्जानि केप्टेन सभिता पुनियारखौ उनाव लारिखदों। लाइमोन स्ट्राइकर अभिषेकआ साबसिन फवार्ड गेलेगिरि महैर धनराज पिल्ले बान्था देरहादोंमोन। बोसोरनि साबसिन राइजिं स्टारनि बान्थाखौ हौवाफोरनि केटेगरियाव अजित सिंह हुन्डलआ देरहादों, जेराव दिपिका सेरनआ आइजोफोरनि केटेगरियाव असुन्ता लाकड़ा बान्थाखौ देरहानो हायो। बिसोर सानैबो बान्था महैर 10 लाख रं बान्था मोन्दों। बे बान्था रननाय फोर्बोआव गोर्जोसिन थाखोनि बान्था मेजर ध्यानचन्द लाइफ टाइम एसिभमेन्ट बान्थाखौ अशक कुमारआ देरहायो, जायनि थाखाय बिथाड 30 लाख रं बान्था आज्ञावनो मोनो। सोलिफु बोसोरनि थाखाय गासै बान्थानि रड 7.56 कौटिआव थाहैदों। हर्मनप्रिट सिंहनो खेब 200 गेजेर हायुडरि केप फोजोबनायनि थाखाय 2 लाख रं आरौ



मोनसे टूफी होनाय जायो आरौ आइजोफोरनि गलकिपार सविताया 250 थि केप मोनफुनो हानायनि थाखाय टूफीजों 3 लाख रं आज्ञावनो हायो। जुनियर एसिया काप 2023 आव सनानि मेडेल देरहानाय भारतआरि जुनियर हौवा गेलेगिरिफोर आरौ आइजो हान्जायाबो मान होजादों, जेराव हान्जाफोरनि साफ्रोमबो गेलेगिरियानो 2 लाख रं बान्था आज्ञावनो हादों। लोगोसे हेफाजाबगिरि मावसुमाफोरा 1 लाख रं बान्था आज्ञावनो मोनो। एइसआइ हकि 5 एस एसिया कापआव सनानि मेडेल देरहानाय हौवा आरौ आइजो हान्जानि साफ्रोमबो गेलेगिरियाबो 2 लाख रं बान्था देरहादों, जेराव हेफाजाबगिरिफोरा फारियै 1-1 लाख रं देरहानो हादों। एसियान चैम्पियन्स टूफी चेन्नाइ 2023 आव सनानि मेडेल देरहानाय हौवाफोरनि हान्जा आरौ एसियान चैम्पियन्स टूफी रान्चि 2023 आव सनानि मेडेल देरहानाय आइजो हान्जानि साफ्रोमबो गेलेगिरिफोरनो 3 लाख रं आरौ हेफाजाबगिरि मावसुमाफोरनो 1.5 लाख रं गथायनाय जाबाय।